

阿文成公年譜

卷十三

原 182.16

8641

13

書 60
3256
5

阿文成公年譜卷二十五



受業 王 昶 勘定

盧蔭溥增脩

第三孫那彥成恭纂

乾隆四十六年

八月十二日

公偕李侍堯畢沅奏言伏思陝甘二省乃三秦重
地東連豫晉西達新疆北控邊城南通楚蜀兼以
崇山峻嶺重複迴繞西面則番族環居內地則民
回錯處習俗剛勁爲自古用武之地仰蒙

聖明燭照

睿慮周詳以陝甘二省近年以來各營官兵裁撥太多地
廣兵單節次

特降諭旨令臣等酌量添設誠慎重邊陲爲永遠牧寧之

至計也惟是添兵之大要有二一則督提鎮標各
有兵數千屹然巨鎮勤加訓練平時既可資彈壓
臨時又足以供調遣一則緊要營堡各有兵數百
分防駐守時加稽察則聲勢既可聯絡奸宄不至
潛藏查甘肅提督四鎮除提標及寧夏鎮標毋庸
議添外其督標五營地居省垣控制宜嚴現存實

兵一千五百三十八名今請設兵三千名應添兵
一千四百六十二名肅州控扼嘉峪內外爲新疆
門戶地居衝要現存實兵一千八百三名今請設
兵二千四百名應添兵五百九十七名西寧鎮標
現存實兵二千二百九十五名今請設兵二千五
百名應添兵二百五名涼州鎮標現存實兵二千
一百四十五名今請設兵二千三百名應添兵一
百五十五名河州以協改鎮現存實兵九百十名
今請設兵二千名應添兵一千九十名陝西撫標
現存實兵七百五十名今請設兵一千名應添兵

二百五十名提督從前本駐固原爲甘省東路襟
喉且其地去西安蘭州均不過六百餘里呼應旣
兩省可通而西控鞏秦北連延慶均有指臂相聯
之勢自乾隆二十九年移駐西安固原改設總兵
兩處額兵隨亦裁減現存實兵一千三百五名今
提督仍駐固原改設提標五營請設兵三千名應
添兵一千六百九十五名至西安提標現存實兵
一千七百四十五名提標業已移駐固原雖有將
軍副都統大員不能兼轄綠營若歸入撫標統轄
究係文臣不能專心訓練且提標所屬潼關富平

宜君等營俱在西安東南如仍令固原提督管轄
亦恐鞭長莫及請設兵二千一百名應添兵三百
五十五名分中左右三營另設西安鎮總兵一員
專司操演兼轄附近營汛其兩營官弁卽隨提督
移駐固原至陝西延綏興漢二鎮其延榆一帶外
接土默特鄂爾多斯阿拉善諸部落久爲臣僕中
外一家無須重兵防範惟興漢一鎮與四川湖廣
毗連山谷險阻林木深邃周圍三四千里最易納
匪藏奸關係緊要舊存實兵一千四百七名今請
設兵二千名應添兵五百九十三名至緊要營堡

如河州鎮屬之循化起台保安臨洮西寧鎮屬之
 貴德南川北川巴燕戎格巴暖碾伯肅州鎮屬之
 嘉峪關紅崖堡梨園洪水南古城馬營墩涼州鎮
 屬之莊浪岔山口安遠張義堡寧夏鎮屬之花馬
 池同心城靈州橫城西安鎮屬之潼關神道嶺慶
 陽紅德長武邠州西安城守興漢鎮屬之白土漁
 渡紫陽七里關舊縣關陽平關寧羌畧陽漢鳳漢
 中城守興安城守固原提屬之靖遠下馬關蘆塘
 西安州永安堡八營堡洮岷鞏昌秦州平涼階州
 文縣西固岷州舊洮蘭州城守紅城苦水各等處

現有兵額均不敷防守應請添兵自數百名至數
 十名不等庶可以守要隘而備捍衛至安定爲鞏
 昌分汛相距不及二百里駐兵百名把總一員足
 資防守臣等通盤核算甘省添兵六千五百八十
 二名陝省添兵六千三百五十八名統計二省衝
 繁扼要營汛共一萬二千九百四十名除勒爾謹
 於上年

奏准酌復公糧兵二千名外現在實添兵一萬九百
 四十名臣等又查向例添兵必須多添將備等員
 弁於所添兵額內又多佔養廉名糧於事無益今

以提督移駐固原所有請設西安鎮止須安設中
左右三營將前後二營遊擊守備以及千總外委
等一併裁移固原以復五營舊制至河州設鎮應
添左營中軍遊擊一員卽以陝西紅德城遊擊裁
移守備一員卽以永安守備裁移至循化廳控制
番回尤關緊要本設兵八百名舊設遊擊一員尙
不足以資彈壓應以鎮海叅將移駐而以循化遊
擊改駐鎮海之丹噶爾又循化應添守備一員卽
於哈拉庫爾裁移紅城堡應設守備卽以永固協
屬之黑城都司裁改其餘各該處應添千總外委
等亦均於各營內籌酌裁改總期添兵萬餘而將
備毋庸多議以歸實用再前奉

諭旨兵丁有馬步守三項之分各省大約以馬三步七爲
率今旣酌爲添設不如竟將馬兵酌添六七千名伏查陝
甘兩省各營制有馬步各半者馬二步四者馬三步
守各半者有馬三步二守四者俱屬參差不齊大
約提鎮各標地居都會及各府平原曠野馬兵自
較步守爲優而操演亦易得力至僻遠險要營分
跬步皆山路徑叢雜無所用騎又應多設步守
等按各該營舊制於新添兵一萬二千九百四十

名內共請添馬兵五千五百八十一名步兵四千二百四十四名守兵二千九百五名外添公費馬步守兵共二百十名至金城關離省城不過二里逼臨黃河與省城聲息相通似可毋庸添兵且該處地方逼窄祇可安設汛兵防守巡緝不能駐扎將領大員是以未列添兵單內奏入

上敕軍機大臣會同該部議奏旋經尙書額駙公福隆安等議言查向來西安將軍原設滿洲兵七千名節經移駐裁減止存三千七百餘名所有西安提標現存之兵應請添足二千一百名照成都將軍兼

轄漢兵之例設立軍標中左右三營卽令該將軍一體管轄與滿洲兵就近訓練以成勁旅其另設西安鎮總兵之處應毋庸議至河州西安肅州涼州寧夏安西興漢固原等處各提鎮所屬營堡如循化起台等處或關隘層疊或汛廣差繁在在俱關緊要應如所議河州鎮屬之循化營請設兵八百名應添兵三百三十名保安營請設兵五百名應添兵三百三十八名起台堡請設兵二百五十名應添兵一百五十三名臨洮營請設兵三百名應添兵一百六十五名大通協請設兵六百名應

添兵一百三名永安營請設兵五百名應添兵一百十七名鎮海堡請設兵二百名應添兵五十三名貴德營請設兵七百名應添兵四百五十五名南川營請設兵一百五十名應添兵二十名亦雜石營請設兵八十名應添兵十六名千戶庄營請設兵五十名應添兵二十五名北川營請設兵一百五十名應添兵三十四名巴燕戎格營請設兵三百名應添兵五十一名巴暖營請設兵一百五十名應添兵十八名康家寨營請設兵六十名應添兵二十名能思觀營請設兵四十名應添兵十三名

碾伯營請設兵一百五十名應添兵四十名肅州鎮屬之嘉峪關請設兵三百五十名應添兵七十九名鹽池堡請設兵八十名應添兵四十一名紅崖堡請設兵一百名應添兵三十一名梨園營請設兵一百五十名應添兵七十五名洪水營請設兵三百名應添兵六十名南古城請設兵一百五十名應添兵八十四名馬營墩請設兵一百名應添兵十七名涼州鎮標五營三邊重守控制羣番請設兵二千三百名應添兵一百五十五名涼州鎮屬之莊浪營請設兵五百名應添兵一百五十

四名岔口營請設兵二百名應添兵九十四名安
遠營請設兵二百名應添兵六十六名古浪堡請
設兵一百名應添兵六名黑松堡請設兵八十名
應添兵二十二名武勝營請設兵五十名應添兵
七名張義堡請設兵一百三十名應添兵七十三
名西把截營請設兵一百名應添兵三十一名寧
夏鎮屬之花馬池請設兵四百名應添兵一百三
十三名同心城營請設兵一百名應添兵十七名
惠安營請設兵五十名應添兵十一名韋州營請
設兵五十名應添兵十一名靈州營請設兵四百

名應添兵九十三名橫城營請設兵一百五十名
應添兵二十一名西安城守營請設兵三百六十
名應添兵八十一名慶陽協請設兵三百五十名
應添兵八十二名長武營請設兵二百二名應添
兵七十一名邠州營請設兵一百九十名應添兵
六十三名涇州營請設兵一百五十五名應添兵三十
三名潼關協請設兵六百五十五名應添兵一百六十
名神道嶺營請設兵一百五十名應添兵十二名
興安城守營請設兵三百二名應添兵一百十二
名白土路營請設兵四百名應添兵五十名漁渡

路請設兵四百名應添兵五十二名紫陽營請設
兵四百名應添兵一百二十名七里關營請設兵
二百名應添兵六十一名舊縣關營請設兵五百
名應添兵二百九十六名漢中城守營請設兵六
百名應添兵一百十八名漢鳳營請設兵五百名
應添兵九十九名陽平關營請設兵三百名應添
兵六十五名寧羌營請設兵四百名應添兵一百
三十六名畧陽營請設兵三百名應添兵二十七
名固原城守營請設兵五百十五名應添兵一百
五名靖遠協營請設兵四百十名應添兵一百六
名下馬關營請設兵二百二十一名應添兵五十
九名蘆塘營請設兵二百名應添兵六十六名西
安州營請設兵一百十名應添兵二十九名八營
堡請設兵六十七名應添兵二十名洮岷協營請
設兵六百三十五名應添兵八十五名階州營請
設兵四百二十名應添兵五十九名文縣營請設
兵二百八十名應添兵三十名西固營請設兵二
百四十名應添兵四十七名岷州營請設兵一百
六十名應添兵四十四名舊洮營請設兵二百一
十名應添兵六十八名秦州營請設兵二百三十

名應添兵二十八名鞏昌營請設兵六百六十名
應添兵三百五十四名鞏昌營應駐兵一百名卽
於鞏昌營撥足一百名蘭州城守營請設兵五百
一十名應添兵一百五十名金縣營請設兵五十
名應添兵十三名紅城堡改設守備營地當孔道
請設兵一百名應添兵七十一名苦水堡請設兵
五十名應添兵三十名平涼城守營請設兵五百
名應添兵三百五十三名至所議外添公費兵二
百十名尙係相沿成例現在欽奉

上諭各省營伍所有賞卹等項俱著於正項支給等因欽
遵在案其所請外添公費兵應毋庸議又添兵必
須增設將備等員應如所議西安提標現已議歸
西安將軍管轄應卽將原設提標之中左右三營
作爲軍標其應設中軍副將一員卽以原設中營
遊擊改補應添設中營中軍都司一員其中營守
備及左右二營遊擊守備千把外委等俱有原設
員弁無庸增設至固原移駐提督應添設兩營卽
以西安原設提標前後二營遊擊守備及千把外
委等員弁裁移固原至河州設鎮應仍設左右二
營其左營應添中軍遊擊一員卽以陝西紅德營

遊擊裁移其原設都司一員改爲右營都司守備一員卽作爲都司中軍左營應添千總一員於臨洮營裁移右營應添千總一員於寧夏興武營裁移應添把總一員於哈拉庫圖爾營裁移應添經制外委二員卽在左右二營額兵內拔補又循化應添中軍守備一員於哈拉庫圖爾營裁移應添千把總各一員於寧夏中衛營裁移應添外委二員卽在該營額兵內拔補其鎮海營改設遊擊卽將舊有千總一員作爲中軍哈拉庫圖爾營應添千總一員於大通協裁移貴德營應添把總一員

於永寧裁移應添外委一員卽在該營額兵內拔補永安營舊有千總一員卽作爲該營遊擊中軍千總保安營應添把總一員於肅州金塔寺營裁移寧夏興武營舊有把總一員卽作爲都司中軍紅德城營原駐遊擊旣撥移河州鎮標其紅德城營以延綏鎮波羅協清平堡守備移駐其清平堡事務以寧塞堡分防寧條梁汎把總移駐所有寧條梁汎卽以清平堡經制外委移駐至紅城堡應設守備一員以永固協屬之黑城都司改補同原設弁兵按數移駐其紅城堡把總一員同兵丁移

駐黑城堡止畱原設把總一員經制外委一員額
外外委一員其餘經制額外外委各一員一併移
駐紅城堡改屬涼州鎮管轄其餘均應如所議辦
理奏入得

旨允行

公偕李侍堯又奏言查甘省額設兵五萬六千六
百零一名除節次裁撥移駐扣畱公糧並公費養
廉屯防兵二萬二千九十七名外實存兵三萬四
千五百零四名陝西額設兵三萬四千五百九十
二名除節次裁撥移駐扣畱公糧並公費養廉屯

防兵一萬三千一百七十四名外實存兵二萬一
千四百十八名通計陝甘二省共存兵五萬五千
九百二十二名較原額少兵三萬五千二百七十
一名內歷年裁撥移駐新疆眷兵九千七百六十
名各官養廉公費兵九千九百七十五名屯防兵
七千八百五十四名扣存公糧七千九百三十名
至公糧因何扣存不補之處查係乾隆二十一年
前督臣黃廷桂任內因陝甘兩省辦理軍需綠旗
各營公私借墊頗多欽奉

諭旨免其扣抵奏准於兩省兵數內酌扣公糧十分之一

共銀二十四萬六千五百餘兩通融彌補嗣於二十六年扣案清完即將此項節省銀兩歸入新疆經費項下調用支銷至畢沅前奏陝甘此時兵力合計不過萬餘一節其意因固原鎮雖屬陝西提督管轄而所管各營則在甘肅地方故未列入且彼時提標及興漢延綏兩鎮俱已派調兵數千是以止剩萬餘其甘省存兵雖尙有三萬四千餘名但一提四鎮與各協營以至嘉峪關外安西河州靖遠三營東西南北相距數千里地方遼濶堡戍繁多所有額兵除派安墩汛隘口及遠近差使外其實在存營差操兵已屬寥寥且逆匪起事時省城一帶兵力單弱遠處徵調緩不濟急倉猝之際更不免左支右絀此當日實在情形也再部中所查兵數與現在迥不符合其故總因養廉公費俱佔名糧一經裁移改撥牽混不清不特難於查核且恐易滋弊竇應請嗣後陝甘兩省每年造具兵冊送部時將實在馬步守兵爲一冊其養廉公費兵另爲一冊如此則案牘不致混淆而支銷各有定數較爲妥善如蒙

俞允並請

敕下該部通行各省均照此辦理奏入

上敕原議大臣一併議奏旋經尚書額駙公福隆安等議
言查陝甘二省現存實兵較原額數共少三萬五
千二百七十一名業據大學士公阿桂等酌請添
補經臣等議准具

奏至兵丁賞卹銀兩現奉

諭旨俱於正項支給報銷所有陝甘扣存公糧公費各款
應令該督等查明核辦又陝甘節年開報兵數應
令該督撫各按省分將實在正額馬步守兵爲一
冊其屯防移駐各兵另爲一冊分晰造報庶額兵
定數相符不致牽混滋弊併通行各直省一體遵
照辦理奏入得

旨允行

公偕李侍堯又奏言竊照營伍之制其應歸各提
鎮管轄者必須遠近適中始足以重操防而嚴控
制陝甘二省現已遵

旨增添兵額以備捍衛所有各路營協堡汛有宜斟酌變
通者如西安提督仍駐固原除應設中左右前後
五營外其原屬固原鎮之固原城守靖遠蘆塘西
安州永安堡平涼秦州鞏昌九營應改歸固原提

督統轄又西安提督原管之慶陽協紅德涇州兩營應仍歸固原提督統轄西安添鎮仍設中左右三營外其提督原管之西安城守潼關協神道嶺商州金鎖關富平西鳳宜君各營應歸西安鎮統轄又邠州長武二營原隸慶陽協查該營在陝西地方距西安較近應改歸西安鎮統轄河州改鎮應設左右二營外其原管之循化保安起台臨洮並撥歸固原之洮岷舊洮岷州西固階州文縣蘭州城守各營俱仍歸河州鎮統轄又紅城苦水二營向係蘭州城守所屬該二處在莊浪迤東七十里至一百二十里距涼州較近且在黃河迤西應改歸涼州鎮屬之莊浪營叅將管轄至肅州鎮向轄金塔永固二協嗣於乾隆四十二年將肅州口外之安西協將等十一營汎改歸肅州鎮屬所轄不爲不多而永固協所屬各營俱在甘肅地方向來一切文移由甘州提督咨行肅州鎮復由肅州行文永固往返紆迴每至稽遲貽悞應將永固協並所轄甘州城守大馬黑城洪水馬營墩山丹硤石梨園南古城十營堡改歸甘州提督統轄不惟文移往返不致紆繞而一切考驗巡查俱爲近便

文移往返不致紆繞而一切考驗巡查俱爲近便

於軍政大有裨益奏入

上敕原議大臣一併議奏旋經尙書額駙公福隆安等議
言應如所奏辦理至西安現經臣等議請設立將
軍標其提督原管西安城守一營近在同城應卽
歸將軍管轄其潼關協神道嶺商州金鎖關富平
西鳳宜君各營及慶陽協屬之邠州長武二營應
仍歸固原提督統轄以符舊制而重責成奏入得
旨允行

公偕李侍堯又奏言陝甘二省兵丁遇有紅白賞
卹事件向來於惠濟項下動支陝省原有銀六萬
三千兩甘省原有銀十一萬三千餘兩俱交商營
運每年所得息銀除賞給兵丁紅白事件外尙有
盈餘自乾隆三十三年停止以後所有陝省惠濟
銀六萬三千兩又以息作本并存利息銀二萬六
千七百七十餘兩甘省惠濟銀十一萬三千餘兩
又以息作本并存利息銀共十五萬三千四百餘
兩概行撥充兵餉等項其陝省兵丁紅白賞銀在
朋合銀內支給甘省兵丁紅白賞銀在裁馬改步
節省銀內支給查裁馬改步及朋合二項銀兩雖
係各就營中通融節省而其實仍歸於開銷帑項

况甘省現請添兵六千五百餘名內添馬兵二千七百餘名所有裁馬改步節省銀兩自應仍撥充現添馬兵之用若既添馬兵而復摘缺停補於體制更屬未協至陝省現添兵六千三百餘名朋合一項亦恐不敷支給皆須另請動款撥補伏思

皇上添設陝甘兩省兵額原爲捍衛邊陲起見不惜多費帑金第

國家經費有常亦不可不通盤籌畫前各省撤回惠濟銀兩緣生息名色

特敕停止查此項銀兩雖屬交商營運而所獲息銀俱爲預備賞卹兵丁之費

國家本無取利於其間臣等公同籌酌陝甘兩省現請添兵一萬二千九百餘名並原有兵五萬五千九百二十二名其從前惠濟銀兩似當仍請復設惟查原定交商營運甘省係一分五釐起息陝省則一分五釐一分二釐不等定數未免稍重可否仰懇

天恩概定一分二釐以下行息餘俱照舊例遵辦再臣阿桂前在雲貴知該省自停止生息銀兩後所有兵丁紅白事件俱以裁減兵額節省銀數充賞查滇

黔等處俱係邊陲兵力亦不宜單弱若將生息銀兩復舊卽所裁兵額仍可補足於防守實爲有益其他四川閩廣或係邊地或係海疆亦關緊要容俟_臣阿桂回京後查明再行請

旨辦理奏入

諭曰據阿桂等奏請酌復惠濟銀兩以裨營伍一摺固爲兵丁需費起見添兵自當添賞卹然總屬無多且現在所有兵丁其賞卹本卽動用正項豈果有不敷之處以致不行賞卹乎若奏聞國家賞兵之費藉商營運支給其名究屬不美况現在戶部庫項充盈卽陝甘二省添設兵丁所需紅白賞卹費用較多原當開銷正帑著傳諭阿桂李侍堯畢沅所有此次添兵之費及將來甘陝二省兵丁紅白賞卹事件俱著動用正項開銷

公偕李侍堯又奏言_臣等遵

旨確查甘省奏請添建倉廩一節查工部單內所開甘省自開捐以後共請添建倉廩二十七案_臣等將各廳州縣未經開捐以前倉間糧數與詳請添建時現存糧數比較內西寧大通靜寧三州縣合監糧常平額徵各項糧石而計尙不及乾隆三十九年以前舊存糧數此外隆德淵泉安西玉門敦煌肅

州高台古浪三岔州判禮縣西和清水徽縣成縣
洮州廳十五廳州縣雖查詳請建倉時糧數比從
前增減不等但甘省捐監現據各該員供稱俱係
以銀折糧並不買補還倉其實貯糧數仍較舊額
短少_臣等伏思建倉所以貯糧今糧石既無盈餘
何用添設廩座明係該員等借添建爲名以爲侵
蝕公帑之計此等捏報劣員卽係現在審明冒賑
開銷之人將來歸案辦理時自當一併定擬完結
但該員等種種藉端捏冒情節更重俟分發人員
到甘卽先行參革審辦所有西寧隆德十八廳州
縣添建廩座二十三案應請

勅部無論曾否建蓋概不准開銷其部中已銷者查明詳
請之員及各上司分賠未銷者卽行扣除如銀兩
業經給發卽一併追繳至撫彝廳及張掖永昌二
縣所存糧石較多舊有倉廩不敷藏貯向來皆係
借貸民房廟宇堆積添建尙係有因但是否實在
蓋造亦難憑信_臣已派軍機司員敷倫泰前往查
勘另行具奏奏入

諭曰甘省監糧一項旣屬紙上空文乃該員等復借建倉
爲名恣其侵冒是又於冒賑開銷之外設法侵欺其情

節較之冒賑各員更重將來審明定案時必當加倍治罪以爲貪婪狡詐者戒

十八日

公偕李侍堯奏言撒拉爾回人分居十二工離循化地方近者數里遠者數十里皆地處邊外與諸番邊界毗連其風俗情形迥非內地可比今逆回蘇四十三等已就駢誅新教餘孽俱已勦除淨盡_臣等查十二工地方惟漢大寺孟達夕廠三工俱係舊教並無新教其蘇四十三所住之查家工韓二個所住之清水工及張朶別列草灘崖慢蘇只

街子打蘇古等七工俱係新舊二教錯居現在止存舊教二千六百四十八戶其新教業已殲除所有遺存籽種地共二百三十四石零應上額糧十九石零並查各工地畝多係山頭地角依崖傍壑零星沙地不成片段_臣等伏思逆回所遺田土現散在九工之內若令內地民人前往耕種則一村之內民少回多勢不能彼此相安若於各工零星安設汛地少則孤懸邊外難資彈壓多則徒費錢糧_臣等公同籌酌此次勦除逆匪所有隨同打仗之舊教回人頗爲奮勉出力其節次打仗傷亡土

兵共有三百三十餘名現在造冊咨部議卹可否
迎邀

皇上天恩卽以逆回所遺之田土賞給陣亡士兵等家屬
交土司韓煜韓光祖確查田土數目酌量人戶多
寡均勻派撥令其佃種按舊則輸糧仍由循化廳
徵收伊等每人名下所分籽種地不及一石無慮
地廣力增在衆回効順捐軀者受賞獨優亦必益
深悅服而陣亡之戶荷蒙

恩賞得以安居樂業尤必感激

聖慈輪忱向化奏入

上從之

公偕李侍堯又奏言臣等前奉

諭旨令將蘭州省城展寬跨山臨水仰見我

皇上慎重巖疆圖維久遠至計伏查營建城垣必須佔據
形勢方可設險衛民大抵因山爲城則當包括山
之岡脊若平坦處建築又須距山稍遠蘭州北
臨大河西南兩面俱山嶺重疊惟城東一帶地稍
平行省城舊係州治規模本小其後添築三面外
城不過就民居所至隨意堯治全無遠慮所以與
龍尾山地勢緊接外城西南之安定門離龍尾山

尙有一百四十餘丈外城西門至龍尾山則僅止數十丈且山高於城此次撒拉爾逆回一至蘭州在龍尾山憑高向城攻打守城兵夫無可遮蔽且該處商賈湊集民居稠密又未預畱火道居民牆屋直接城垣賊匪攀援攻撲是以卽日而破然至外城失守賊匪力攻大城西門雖甕城券洞俱被燒燬而大城終能固守無虞者則以賊至城下勢須仰攻我兵登堞俯臨木石俱可擊退也但外城之破究係以險資賊卽使繕修高峻仍不足恃茲蒙

聖明指示將西南城垣展寬至龍尾山梁俛西關一帶居民及華林山之半俱包入城內實足以壯觀瞻而資控制惟是龍尾華林兩山中有水磨溝一道山水發時其勢頗猛難以跨築垣牆且龍尾山土鬆沙汕每遇大雨時行卽衝成溝坎或數丈數十丈不等若於其上建築基址既不能堅實斷難經久臣等公同商度惟有將大城向東展寬西自外城安定門起由拱蘭門迤東至風神廟後又自通遠門東南角起由迎恩門至廣武門北角止共擬新添城垣計長一千一百七十餘丈連舊城五百五

十九丈共一千七百二十餘丈週圍約九里有餘
雖東北地形稍覺狹窄而限於大河不能展拓其
西南二郭城俱擬拆去共去舊城二千餘丈所有
大城甕城俱擬多添一層以爲重關保障所有西
南兩關廂居民勸諭遷移撤去房屋空出城面寬
畱火道則崇墉夾峙可以捍制邊陲至華林山近
在城西數里並可倚爲屏蔽應於其上築營堡一
座移督標右營一營官兵在彼駐劄並於龍尾山
上相對大城西南一帶擇據形勢安設空心大墩
四處卽於右營兵丁內輪派駐守平時則氣象更
覺嚴整有事則東可以護衛大城西可以應接華
林山營聲勢聯絡更足以資彈壓至此次籌改添
建各事宜工費浩繁且爲永遠枚寧之計必須鞏
固堅實應請

旨派熟悉城工之大臣一員帶領工部司員至蘭逐一詳
悉勘估方可興工辦理奏入得
旨允行

公偕李侍堯又奏言

臣等屢奉

諭旨籌辦善後事宜除添設兵數改繕城垣專摺具奏外
謹將應行事宜酌議數條恭呈

御覽一蘭州省城舊存子母礮十六尊僅與烏鎗無異施放不能及遠又威遠礮八尊子重十六兩至二十兩轟擊稍遠而施放時易於跳動難得準頭俱不甚得力况年久亦多損壞此次攻勦賊匪照四川劈山礮式樣製成二十尊並於涼州調到食子六十兩大礮四尊轟擊頗為得用又查涼州鎮屬各營舊貯大礮一百六十六位係前明萬歷年間製造歷年久遠多有脫落炸壞各營視同廢鐵其存貯涼州城內不過二十餘尊餘俱散貯各營堡容臣李侍堯特派熟悉礮位專員逐一勘驗將無用廢礮盡行銷燬試演堪用好礮分貯督撫提鎮駐劄各城如尙不敷揀選涼州匠役鑄造大神礮位酌定數目分貯至劈山礮亦應多為製造督撫提鎮大標約計兵丁二百名卽給一尊並飭各營時常操演試放以期有準其陝西各標營亦如此照辦一回教相沿已久而新教則自馬明心口外回家妄謂西域得有真傳黑回厭故喜新俱為煽惑以致蘇四十三等肆逆不法今經此一番懲創之後各處回民感懼愧悔出於至誠凡已習新教者俱仍改從舊教現已嚴飭各屬將新教禮拜寺概

行拆毀如查有私行傳習陽奉陰違者照邪教律從重辦理並曉諭回民不許稱阿渾名目於回民內揀選老成之人令其充當鄉約隨時稽查互相勸誡其舊俗相沿念經禮拜仍聽其便不准添建禮拜寺及收畱外來回人居住日後如有復倡異教者卽行首告指拏如該處實無新教每年令鄉約等聯名具結一次彙齊咨部查核仍先通行出示曉諭如此立法則新教自然淨盡一撒拉爾回人散處十二工環遶循化廳地方每年納糧八十三石至循化廳河州蘭州等處或貿易或販賣牛羊本不禁止並有在循化河州充當衙役者以致新教黨羽漸熾與舊教互相仇殺起釁滋事此皆平日地方官不稽查拏究遂至養癰貽患應請嗣後撒拉爾回人不准復充循化廳河州衙役及營伍兵丁亦不准其任意至內地行走其有在各州縣村鎮貿易者由循化同知給與照票定以限期事畢卽令回巢將票繳銷不許在各處逗遛並責成保安起台堡老鴉關駐守弁兵嚴切盤查稽其出入仍隨時訪察毋令內地游匪潛往各該處煽惑滋事亦不得借此勒指需索違者皆重治其

罪凡甘省各屬與番地土司境壤毗連者均應一體仿照辦理一鳥鎗爲閭閻自衛之資從前曾奉諭旨不必概行收禁况番回山居野處平日打牲爲業勢難禁用鳥鎗至硫磺爲配製火藥所必需甘省河東各年配造火藥取資於蘭州庫貯駱狐泉採獲之磺河西各營取資於肅州玉門庫貯牛尾山採獲之磺如果開採時並無透漏封閉後不敢私挖番回何從私行偷買實皆地方官查禁不力所致嗣後飭令該管文武員弁於封閉磺洞選派妥役嚴行稽察屆開採時多派兵役嚴查又聞秦州等處產磺亦有零星偷挖販賣者應通行嚴查封禁不許絲毫透漏至律載內地私販硫磺五十斤炤硝一百斤以上者杖一百徒三年窩藏囤販知情者俱照私販律治罪應飭各地方官嚴查內地舖戶如有將前項磺斤聽番回潛行購買貪得重價或不法商民在番回土司地方私賣硫磺並私熬炤硝者均照私販及偷買律加等治罪仍令該管文武大員嚴飭所屬實力奉行並令將有無私賣情弊按季結報如敢虛應故事致滋弊竇一經發覺將文武各員及失察各上司一併嚴加叅處一

新疆各城回衆以墨克地方爲回教之宗主而內地回民又以新疆等處經典多而流傳爲較真前奉

諭旨俟將來事竣後傳諭新疆各路辦事大臣嚴密查訪毋許內地回民在彼學習回經致生事端實爲杜漸防微之至計臣等尙恐各城將緣事回民發至內地此等大概皆不安本分之徒與內地回民皆係同教倘因其自西而來以爲得其真傳或又相煽惑均未可定應請

敕下新疆各路大臣此後各城回民有犯發遣等罪者於各城互相安插不必改發內地於杜絕新教根株之法更爲周備一循化地方已於添兵案內改駐叅將一員設兵八百名足資彈壓至循化同知係乾隆二十六年移駐該處原定疲難二項中缺應歸部選惟是該地番回錯雜一切撫綏控馭必得幹練之員方可勝任實非部選人員所能經理應請嗣後改爲疲繁難三項相兼要缺在外揀員題補又河州太子寺距州一百二十里向設州判一員嗣於乾隆四十一年裁汰查該州地方遼濶漢回雜處其東隅之景古城離州城二百四十餘里

附近之崦隴關即係番地又正東之黑石山南之
三渡水等處俱離州城一百八九十里及二百餘
里不等均係習俗黠悍之區一切稽查匪類撫馭
番回該州鞭長莫及應請仍復舊制於適中之太
子寺地方設立州判一員分防稽察其衙署及分
駐事件各循其舊又該管之蘭州道原係驛傳兼
巡蘭州向為衝繁難兼三要缺嗣因驛傳改歸臬
司管理定為中缺歸部銓選伏查蘭州道雖只一
府然地居省會為兩河扼要應仍改為衝繁難兼
三要缺請

旨揀放庶人地相宜於體制亦屬允協奏入

上敕軍機大臣會同該部議奏旋經軍機大臣議言均應
如所奏辦理至私販硫磺及私熬焰硝若在番回
土司地方售賣即非內地私販可比查例載附近
苗疆五百里以內民人煎挖窩囤與販硝磺事發
計斤定罪以次遞加五十斤以上者杖一百流二
千里至百斤以上者照合成火藥賣與鹽徒例發
近邊充軍又例載凡商漁船內夾帶違禁硝磺等
物接濟外洋者船戶以通賊論斬舵工水手知情
者同罪各等語是私販硝磺定例內地與邊疆各

有專條而境內私販與出境偷賣輕重迥異今該省境接番回其私賣硝磺關係尤重應請嗣後該省秦州等處產磺地方如偷挖熬煎番回土司地方私賣係在內地者不得照尋常內地之例問擬應比照附近苗疆五百里以內私販之例計斤定擬分別軍流從重科罪若偷賣出境與外地番回交易應比照商船夾帶出洋論斬知情同罪之例審擬庶足以示懲創而嚴關守奏入得

旨允行

公又奏言臣節次奉到河工

諭旨並

御製河工誌事詩敬謹詳讀仰見我

皇上厯念懸懸無時或釋查儀封漫溢黃水北支由趙王河沙河至張秋入運東歸大清河入海南支則由曹州魚臺流入南陽昭陽微山等湖入江南運河臣思黃流既經穿連運河恐致淤阻若目下回空糧艘不能行走所關甚要本日接奉初三日

諭旨並抄寄各摺臣閱國泰摺所稱入運黃水既由大清

河宣洩以爲順利較前不致過爲湍激並無淤墊其水黃色已淡回空糧艘將戴廟荆門等閘相機

啓閉無阻運行其南流之水係由舊運河故道中間下注寬約四五里已至江南沛縣等語是現在黃水溜勢南趨分數居多東省運河諒可無虞但溜勢既入江南仍須由江南運河下注所慮又在江南運河然亦不如亟堵平時入運之水騰空運河使黃水傍有去路不致壅遏生患想薩載自必遵

旨通盤熟商詳悉妥辦此時惟有迅速堵合漫工俾黃水得歸故道河湖一帶俱可安流據韓鏞富勒渾奏連日晴霽料理四路可通該督等諒已上緊施工以期早為堵合惟是

皇上宵旰憂勞臣荷蒙

委任不能卽至工所竭盡心力會同籌畫稍為

聖主分憂悽悽寸忱倍深焦急現在冒賑一案大局已定即可分別定擬其有續行解審人犯俱可交督臣李侍堯歸案辦理臣俟諸務料理完畢卽起程馳赴豫工會同趕堵漫口以冀上紓

睿慮奏入報

聞

二十三日

諭曰阿桂現在查辦甘省一案自己漸有就緒卽此時尙未定案並有各省審訊人員陸續解甘質訊者俱可交李侍堯歸案審辦遵前旨一併分別定擬具奏現在豫省河工漫口開挖引河築挑水壩及堵塞合龍事宜最爲緊要阿桂卽可將甘省審案一面交李侍堯辦理一面起程赴豫督辦

九月初四日

公奏言臣查辦甘省監糧冒賑一案兩月有餘嚴加究問俱已和盤托出所有全案關鍵已得頭緒已清卽有一端一節尙須清釐者督臣李侍堯皆可以隨事核辦而各員之罪莫大於冒賑侵肥是以現與李侍堯詳悉酌議將分別定擬緣由另摺具

奏至善後事宜亦已次第辦理陸續奏蒙

聖鑒在案現在應訊各員業將侵冒分肥各款逐一供吐此外甘省旣無應訊之員而坐待揀發補放人員及由京並各省應解人犯到後定案未免曠日持久臣思此次青龍岡漫口

皇上因關係運道憂勞倍於往常臣荷蒙

委任不能卽至工所會同籌畫稍爲

聖主分憂已覺寢食靡寧若無事坐待倍深焦急况十八

日接奉

諭旨並寄發李奉翰等各摺知現在一面先於壩工淺處
趕緊輓鑲深水處卽行進埽一面將引河開挑深
通但引河工數較長淤墊較厚卽加夫分數趕緊
僱挑亦須五十餘日等語臣於此時起程赴豫計
算到彼時正屆引河挑挖將完壩工吃緊之際臣
於河務雖不能熟諳而仰承

皇上重恩親至工次督同趕辦在工大小各員自必上緊
用力而臣置身事中心亦覺稍安是以酌量緩

急輕重將一切事宜與督臣李侍堯熟商妥議交
伊定案辦理完結臣卽於二十四日起程前往河
南工所會同李奉翰等趕堵漫口務期迅速集事
俾黃河早歸故道並籌辦疏濬河湖事宜庶於明
春重運無碍以冀上紓

睿慮奏入報

聞

十三日

公偕李侍堯奏言西安添設駐防官兵酌定事宜
奏請

睿裁一西安原設滿洲蒙古漢軍馬甲七千名步甲一千名礮手弓箭鐵匠共三百四十六名養育兵一千名旋因移駐涼州等處及漢軍兵出旂所贖不及一半應添馬甲二千三百名步甲二百名作爲馬甲五千步甲五百其馬甲請由京城馬甲養育兵步甲閑散內以滿洲七分蒙古三分派往其步甲在西安成丁閑散內挑補一西安佐領現在三十二員內有兼協領者四員一員管理二旂應添佐領兼協領者四員分管八旂再添佐領四員每佐領名下應設防禦驍騎校各一員現在西安有出征能辦事之人請將應添各員各畱二缺在此項人內選補餘由京城派往一西安現有委前鋒校八員前鋒一百二十名應添委前鋒校八員前鋒二百六十四名并每佐領下現有領催五名不敷差委應復領催六名例共添領催八十名均於京城派出馬甲內挑補一每佐領下例設弓箭鐵匠各一名應於新設佐領下照例增設又兵百名例設礮一位礮手二名現有礮十六位礮手三十二名應添礮三十四位礮手六十八名再子母礮不如劈山礮便於攜帶應將現存之子母礮并城守

營存貯之子母礮揀給二十五位再鑄劈山礮二十五位給與一協領俱有圖記所有新添協領應擬定字樣咨部鑄給一西安原設滿洲佐領四十員蒙古佐領十六員嗣因蒙古兵爲數無多奏明將蒙古歸併滿洲今新添之蒙古兵請仍歸滿洲管理

公偕李侍堯又奏言西安添設弁兵其應給俸餉請在藩庫支領其粳米粟米料豆在糧道倉內支領如額徵不敷應照例支司庫折色其紅白賞恤銀在開墾馬厰空閒地租內支給其應建官署二十所兵房四千六百間共估銀三萬九千六百二十兩在官置舖房取租支用餘銀并移駐兵丁衙署變價項內支給有不敷處在藩庫墊給卽按年將房租餘銀解司歸款均奏入下軍機大臣會同兵部議行

十七日

諭曰前據阿桂等奏請酌復惠濟銀兩一摺據稱前在雲貴知該省自停止生息銀兩後所有兵丁紅白事件俱係裁減兵額節省銀數充賞查滇黔等處俱係邊陲兵力亦不宜單弱若將生息銀兩復舊卽所裁兵額仍可

補足其他四川閩廣亦關緊要容俟回京後請旨辦理等語朕以各省兵丁賞需應動正項若藉商營運支給究屬非體已明降諭旨均著於正項支給報部核銷其各省提鎮以下公費名糧亦改照文員之例議給養廉所扣兵餉即可挑補實額並將辦理緣由傳諭阿桂令覈計所費自京營及陝甘添補滿漢兵約二萬名又各省添補綠營兵糧實額亦不下數萬名加以改給養廉紅白賞卹等項每歲所需不過三百萬兩至從前阿桂所奏原爲節省經費起見但現在府庫豐裕儘足供支朕今如此辦理武職旣實得養廉營伍無虛存名目更無須藉商生息爲贍卹兵丁之用於阿桂意見若何著將此傳諭阿桂並令就所見卽行覆奏

二十七日

公奏言臣前次奉到各省營伍賞卹銀兩開銷正項及名糧裁添養廉

諭旨仰見

皇上聖謨遠大不惜多費帑金爲足兵衛民之計惟是

國家經費歲有常規有不得不通盤籌畫者臣於乾

隆十年在銀庫郎中任內曾詳悉查核每年各省所入地丁關稅鹽課蘆課漕項等銀約三千餘萬

兩災賑蠲緩不在此數此歲入歲出之大畧也又查康熙六十一年部庫所存八百餘萬兩雍正年間漸積至六千餘萬兩而自西北兩路用兵動支大半我

皇上御極之初戶部庫項不過二千四百萬兩自四十六年以來並未加增賦稅而府藏充實國用富饒部庫增至七千餘萬兩

皇上時時以藏富於民爲念凡三次普免天下地丁錢糧兩次普蠲各省漕糧以及遇災卽賑河工海塘歷年各處用兵凡爲捍衛生民計者所費又何啻萬

萬在

皇上原不稍存靳惜但此等動支尙非經費可比夫經費驟加不覺其多歲支則難爲繼從前開拓新疆二萬餘里每年所費卽以陝甘兵額餉糧裁移添補於國用並未加增茲奉

訓諭陝甘各營酌添兵額一萬二千七百餘名西安增設滿兵二千五百名京營添兵四千九百名其馬步糧餉合之各省兵丁賞卹紅白銀兩遵

旨開銷正項約算歲支已有百餘萬兩若又將武職名糧改給養廉其所扣兵餉挑補實額核計歲需又約

二百萬兩以每年額增三百萬經費而論統計二十餘年卽用至七千萬兩况武職所得名糧馬乾由來已久營員本不至拮据今

諭旨改照文員之例一體議給養廉固屬核實辦理而其所以扣兵餉似毋需盡行挑補實額伏思滇黔等處控制邊陲兵力不宜單弱川省於平定兩金川後內地兵丁移駐新疆未免不敷守禦其他閩廣海疆亦屬緊要均宜查明增添兵額以資彈壓其陝甘兩省業已派滿漢兵一萬五千餘名併此外省分俱係腹地所扣名糧均可毋庸挑補實額再近年以來滿漢兵制裁添移改者甚多歲需經費是否與從前相彷彿乞

皇上敕交戶部將每年一定出入銀款數目通盤核算並將增兵餉養廉三百萬兩之後每年是否尙有餘存其各省兵額是否無須一律挑補之處交軍機大臣會同該部一併詳悉妥議奏入

諭曰大學士公阿桂覆奏各省武職名糧裁添養廉挑補實額一摺國家經費原當量入爲出而足兵衛民爲萬年久遠計者又不得少存靳惜之見阿桂現管三庫其所奏康熙雍正年間出入大數通盤區畫大臣籌國自

應如是但朕以泉貨本流通之物財散民聚聖訓甚明與其聚之於上毋寧散之於下且在官多一分卽在民少一分顯而易見朕卽位初年戶部庫銀不過三千萬兩今四十餘年以來仰荷

上蒼嘉佑年穀順成財賦充足中間普免地丁錢糧三次蠲免漕糧兩次又各省偏災賑濟及新疆兩金川所費何啻萬萬而賦稅並未加增非如漢武帝之用桑弘羊唐德宗之用裴延齡以措克爲事致府藏充盈也現在戶部庫銀尙存七千萬兩朕又何肯稍爲靳惜乎且以歲支頓增三百萬計之至乾隆六十年歸政之時所用

不過四千餘萬兩加以每年歲入所存其時庫藏較卽位時自必尙有盈餘何必於此時鯁鯁過計乎從前海望在戶部時不肯明言銀庫實數其意似恐外人聞之朕彼時卽不以爲是國家惟正之供出入歲有常經原屬大公至正又何必掩人耳目乎甚如明季金花聚斂乃至戶部請內帑亦不肯發則其鄙吝更可笑矣卽以內帑而論憶乾隆初年內務府大臣尙有奏撥部庫銀兩備用之事今則裁減浮費釐剔積弊不特無須奏撥且歲將內務府庫銀命撥歸部庫者動以百萬計又何必以經費不敷歲出爲慮乎至於歲入項下惟米豆關

稅一節初年曾經免稅原欲使市價日平乃行之日久並未平減殊不滿朕意後因安寧奏請復收經部議准允行至遇地方歉收穀貴之年原有降旨特免米豆過關之稅所以隨時調劑或商賈多往亦救災區米貴之一法耳今阿桂既籌畫及此但朕意究以多添兵力不惜經費爲是在廷諸臣自必各有確見所有阿桂奏到原摺並朕此旨一併發抄使中外咸知朕意并著大學士九卿科道詳悉妥議具奏

二十八日

諭曰據國泰奏籌辦金鄉城垣圍堤及鄒縣等處續報被水情形一摺業經降旨撫卹矣昨據薩載等奏報九月初四日沛縣地方風暴大作漫水進城以江南被水情形而論較甚於東省皆由豫省曲家樓缺口尙未合龍是以兩省隣近州縣俱被水患現在工所物料充盈阿桂業經到豫卽著督飭在工文武員弁催趲人夫星夜堵築迅速蒧功以慰塵注

十月二十日

公偕李奉翰韓鏞奏言本月初十一等日因壩工口門收窄溜勢湍激跌過二壩大壩轉向口門兩旁沿壩根跌深三丈有餘至十二日陡陷三十

丈五尺現在趕做裏頭護住壩身又捨下護埽不使再有刷場奏入

諭曰此亦無可如何之事惟當盡人力以聽

天佑

神助至現在大溜轉向口門兩旁沿壩根跌深陡坎是大溜之勢似與正口門已分作兩股於堵築機宜轉似易於得力阿桂等惟有督飭在工員弁多備料物竭力搶護趕緊進埽抵禦溜勢使口門漸就窄小尅日合龍仍當籌辦堅實加意慎重以期鞏固無虞至此次螿陷之處究係在挑水壩之西如在壩東辦理尤易得手摺內未經叙明者著即將現在壩工情形繪圖貼說呈覽朕厯注要工無時或釋想阿桂等目擊情形自深焦急必能仰體朕意極力籌辦萬全速期蒞事也

二十一日

大學士等議覆各省武職名糧遵

旨裁添養廉挑補實額現查部庫充裕請不論腹地邊郵

通行一律辦理

諭曰此次挑補各省名糧議給武職養廉經大學士公阿桂奏請除滇黔四川閩廣等省應查明增添兵額陝甘兩省業經添設滿漢兵外其餘腹地省分均可毋庸挑

補實額朕意究以多添兵力不惜經費爲是因交大學士九卿科道詳悉妥議具奏茲據奏現在統計部庫每年出入大數約餘銀九百萬兩有零戶部經理一切裕如所有各省挑補名糧議給養廉請遵照前旨不論腹地邊陲一律辦理等語所奏自係經國久遠之計現今各省督撫將武職名糧逐一查奏俟到齊時軍機大臣會同該部悉心妥議酌定章程奏明遵辦國家設兵衛民原應卒伍充實軍紀嚴明使各省精兵勁旅碁布星羅方足以壯聲威而資防禦向來各省督撫提鎮經朕屢加訓飭至再至三此次又經挑補名糧議給養廉各營兵數既充訓練更宜實力所有各省督撫提鎮標兵務宜勤加操演使器械進止一一嫻熟該提鎮果能認真通省員弁自必觀感振作悉心訓練一洗從前疲玩之習卽軍裝馬匹等項軍實所關亦應隨時修驗俾各省營伍壁壘一新馬步兵丁練習純熟有勇知方所謂兵可百年不用不可一日不備者此也朕此番整飭後如仍有將不習兵兵不賈勇技藝不熟器械不精或經訪聞或欽差大臣查閱必將該管之督撫提鎮從重治罪毋謂朕誠之不早也

二十四日

諭曰昨據阿桂等奏連日因壩工口門收窄溜勢湍激致壩身陡陷三十丈五尺現在趕做裏頭護住又搶下護埽不使再有刷塌等語大溜形勢與正口門分爲兩股於堵築機宜似轉易於得力業經傳諭阿桂等令其將現在壩工蟄陷情形繪圖貼說具奏迄今又逾數日其鑲築進埽又有幾分工程約於何日可以合龍朕屢念要工無時或釋阿桂等務期督飭在工員弁星夜趕緊辦理佇望堵合喜音之至所有賞給阿桂鹿肉並著一併發去

二十八日

公偕李奉翰韓鏞奏言臣欽奉十月二十日

上諭跪讀之下仰見

皇上屢念要工諄切訓勉至意臣等連日督率在工員弁晝夜趕辦其西壩蟄陷處已補鑲十餘丈上水迎溜邊埽亦俱補做齊全鑲壓堅穩壩根鞏固無虞搜刷東壩間日進占綠壩前水深數丈每進一占約長二丈四五尺並力鑲壓必須鑲至十六七坯追壓兩晝夜方能到底穩固堅實計東壩再進四占鑲長壩工十餘丈爲期已至十一月初二三彼時西壩亦可輒鑲復舊口門漸就窄小不過存十

數丈應卽於兩壩齊進埽箇俟水勢日蓄日高相機開放引河掣溜尅期堵合至此次大溜因挑水壩挑向東南引河未開復折而至西沿西壩壩根跌坎流出口門是以西壩著重致有螿陷之事原未分作兩股現在跌坎日漸移上頭層已跌過挑水壩二層亦距西壩有五六丈壩根溜勢漸覺平緩至挑水壩係由大壩之西築做挑溜向東南歸入引河此次螿陷處係西壩東頭挑水壩東北總之堵築漫口水勢變遷原難預料而現在物料應手水力日綿臣等惟有恪遵

訓示不敢稍存大意竭盡心力倍加慎重以期鞏固歲工就現在情形而論似尙不致重煩

聖心屢注奏入

諭曰合龍將近惟日望喜音

十一月初四日

公偕李奉翰韓鏞奏言臣等督辦豫工兩壩星夜進占現在壩根溜勢較前頗覺平緩口門現存寬二十丈以兩壩間日各進一埽而計合龍之期總在十一月十五日以前奏入

諭曰看來豫工合龍之期已近惟亟待喜音已於摺內批

示阿桂於上年冬底奉差出京距今已屆一年將來堵
築完竣善後事宜係韓鏞本任應辦之事且現在福隆
安因病予假阿桂於合龍後即著回京供職不必仍畱
工次

十四日

公偕李奉翰韓鏞奏言臣等於本月初五日將兩
壩進埽口門收窄加意趕辦各緣由恭摺具

奏在案數日以來東西兩壩又各進一埽口門止剩

寬四丈俟追壓到底即將壩台增長掛纜堵合初

八日丑刻大河水勢陡長三尺餘大溜直撞口門

湧激異常壩工立見行蟄臣等督飭將備趕緊鑲

壓隨鑲隨蟄搶至卯刻東壩之頭陡蟄丈餘在壩

員弁兵夫并力搶護終被揭去埽上坯鑲十餘丈

入水壩根尚存水底西壩亦復平蟄丈餘趕緊搶

鑲幸而無事此番蟄塌寔出意料之外臣等目擊

情形倍深焦灼現將出水矧矮者趕緊加鑲入水

不深者用船補做俟收拾平整即行進占西壩亦

令加鑲土坯增長壩台以期穩固堅實查此次走

失壩上坯鑲連口門僅止十四丈尚易趨辦上緊

施工計旬餘即可竣事奏入

諭曰據阿桂等奏本月初八日大河水勢陡長三尺餘大
溜直撞口門湧激異常東壩頭陡蟄丈餘揭去隄上坯
鑲十餘丈西壩亦復平整丈餘現在趕緊加鑲俟收拾
平整卽行進占等語此次事屆垂成復遭蟄陷誠屬可
惜然亦無可如何之事已於摺內批示當此水勢洶湧
開放引河自無他慮阿桂等何不督率在工員弁卽將
引河開放俾勢若建瓴掣動大溜歸入正河或可乘此
機會進埽合龍阿桂等何未見及此耶此時惟有加意
慎重相機進占舍此亦別無辦法其現在走失壩上坯
鑲及口門亦僅止十四丈趨辦尙不甚難朕盼望要工
合龍每日齋心默禱以期

天祐

神助阿桂等在工督辦想亦益加敬凜以仰副朕懷

十九日

公偕李奉翰韓鏞奏言數日以來東壩塌失處所
均已補鑲齊全追壓平整穩實並經進做一占加
鑲高厚西壩亦一律增長壩台盤壓穩固十六日
西壩先進一埽十七日東壩再進一埽則口門止
存寬九丈督令層土層柴并力追壓約三晝夜方
能到底穩固堅實目今正值凌汛雖河水時長時

落而蓄水已增二尺大溜直逼引河頭刷厓動盪
勢甚順利查堵築漫工原必須開放引河使水有
去路方易於堵合此次所挑引河形勢本屬就下
無如前此數層跌坎之後將河底刷成深槽大河
水面轉低於引河數尺且灘面縱橫大溜東流西
折距引河已遠雖有挑水壩不能爲力臣等目擊
情形本懷憂懼但萬餘丈之引河斷不能再行加
挑惟望口門收窄水勢蓄高或可希冀有成乃至
初六七等日口門止存四丈水仍未長不能開放
以致上游水至復有衝失之事臣等所以未經奏
明者亦因無法籌辦徒致多煩

聖心憂勞今自塌失以後口門既寬長水消洩之後水勢
自應更落而連日察看水誌長多消少且溜勢直
到引河頭堰外原無水處皆有水自二三尺至五
六尺不等蓋因揭去坯鑲之後壩根尙存水底水
從高處漫過深處漸次淤高變成極好機會亦未
可定臣等揣度情形現下兩埽追壓到底後引河
堰外水勢必當蓄高測量可以進水三四尺先行
相機開放掣溜再於兩壩各進一埽卽掛纜堵合
計期當在二十五六日臣等急欲葺工現雖連日

大雪仍督率在工員弁晝夜趕辦不敢稍有疎懈
奏入報

聞

二十五日

公偕李奉翰韓鏞奏言臣等於本月十九日開放
引河初開之時雖未能勢若建瓴奔騰下注而流
行尚覺暢順帶溜惟正值雪消帶有客水隨即消
落一尺若從此逐漸掣吸趨瀉湍激可望有成奏
入

諭曰此奏殊未明晰朕心深爲懸注自十九日開放以後
迄今又逾數日全溜究竟曾否掣動客水消落尺許之
後曾否復經長發其下注之勢水頭奔瀉約到江南何
處地方現在逐日進埽柴埽上又用重土追壓其口門
究存若干丈朕屢念要工無時或釋竚候喜音日夕懸
望著傳諭阿桂等卽速將現在情形及何日可以竣事
之處據寔由驛卽行覆奏

二十六日

公偕李奉翰韓鏞奏言臣等於二十二日東壩先
下門埽一箇次日復下西壩門埽兩埽入水俱極
平穩現在層土層柴晝夜并力加鑲東壩鑲至二

十餘坯西壩亦鑲十餘坯雖尚未追壓到底而口門愈窄壩前水勢又較前蓄高數尺湍激倍常引河內前因有數段地面稍高流行未暢之處臣阿桂派軍機司員會同河北道朱岐開封府康基田督率人夫連夜上緊加工挑挖一律寬深現在黃流趨瀉較前更覺暢順無阻至大河全溜看來須俟合龍後方能盡歸引河此時壩工正在喫緊之際俟埽箇入水漸深追壓穩固即增長壩台高厚堅寔相機趕緊堵合仰賴

皇上洪福

天神默佑竣事葺工當不出此數日內臣等惟有益加敬凜竭盡心力督率在工員弁慎重妥速辦理奏入諭曰覽奏稍慰看來黃河全溜必待合龍始能盡歸引河惟有默祈

天助

神佑迅速葺工企望喜音益切塵念

三十日

公偕李奉翰韓鏞奏言臣等督率在工文武員弁晝夜趕辦東西兩壩所下門埽俱已追壓堅實壩台增長高厚即於二十六日辰刻堵合天氣晴明

人夫踴躍層柴層土晝夜鑲壩二十七日午刻追
壓到底金門下業已斷流大溜全歸引河奔流下
注場厓淘底衝刷寬深測量中泓已有一丈四五
尺流行迅駛此時將近江南交界伏思此次青龍
岡漫口關係運道民生尤爲

聖心厯念且壩工長三百三十丈引河幾及萬餘丈工程
甚鉅臣等奉

命督辦如展長挑水壩開寬引河之處節次俱蒙

聖明指示遵照辦理前次跪讀

諭旨敬悉

皇上軫念災黎齋心虔禱今合龍之際風日暄和事機妥

順益見

誠敬所孚

天神嘉佑得以竣事臣等實深慶幸現在初經堵合

不敢稍存大意惟有倍加謹凜催督兵夫接做邊

埽幫完裏戩加高壩工務期益臻穩實奏入

諭曰此次青龍岡漫口於半年中卽已堵築完竣較爲迅
速且係北岸視南岸施工爲倍難今已僭辦歲功甚屬
可嘉阿桂韓鐸李奉翰富勒渾並著交部議叙至此次
要工合龍固由在事諸臣辦理得宜而

河神默助得以順軌安瀾自當顯示褒崇用酬

神佑並著韓鑠等於該處建造龍王廟候朕親書匾對發

往懸挂並將朕御製合龍誌事詩發刻立碑以昭靈貺

恭錄

御製詩

大學士阿桂等奏報青龍岡壩工合龍詩以誌事

邇年瓠子屢河工今歲北開更切冲戊戌秋儀封决口庚

城之張家油房均在南岸漫决今歲七月青龍岡漫捨水

引渠相悉慮今歲青龍岡漫口所最慮者運河及微山等

宣以期暢達歸海嗣據薩載等奏報豫省漫水由微山湖

注六塘河歸海是來源雖大而去路亦多運道湖河得保

無虞實不幸昏民墊戶自慙躬深冬始得合龍告善後益

屢哀雁窮十一月三十日阿桂等馳奏連日督率在工文

增長高厚於二十六日辰刻掛纜堵合二十七午刻金

門斷流大溜全歸引河衝刷寬深量測中泓一丈四尺

流將阿桂李奉翰韓鑠富勒渾交部議叙其在文武各

員並令查明一體議叙此次北岸開口於數月之內合龍

堵築迅速實賴河神默助因敕韓鑠等於該處建造龍

王廟以昭神貺又江南浦縣被災較重飭發兩淮鹽課銀

五十萬兩交與薩載妥協經理以為修葺城垣撫卹災黎

天佑心欽敢言報速因

神助建祠崇

十二月初二日

公偕李奉翰韓鏞奏言本月十九日開放引河後水勢蓄高黃流漸次趨瀉至二十六日掛纜合龍次日午刻金門下立見斷流大溜全歸引河奔赴下注人人無不慶幸以爲成功乃於二十七日亥刻東壩頭及金門一帶陡墊寬五十餘丈大溜全掣仍從漫口下注請將_臣等交部治罪至北岸漫口關係運道民生此次堵合後仍行衝塌成功益無把握况工程鉅大亦非旬月可以蕆功_臣阿桂與_臣李奉翰韓鏞別無良策或現在內外大臣中

請習河工者求

皇上派令來豫熟籌妥辦於事不無少裨奏入

諭曰此次漫口合而復開人力所不及施寔出意外尙非在工諸臣經理不善之過其所請交部之處著加恩寬免至前此奏報合龍後曾降旨將阿桂等議叙此時壩工既未能告蕆若卽邀錄叙阿桂等心有未安朕亦引以爲愧所有前次交部議叙之處著停止

又

諭曰此次壩工墊陷實出意外朕細加推求或因天氣嚴寒用凍土追壓未能堅實致有罅漏進水復有此變亦

未可知但是否實係如此情形著阿桂等悉心訪察具奏至阿桂另摺奏請於內外大臣中諳習河工者派令來豫熟籌妥辦等語此可不必近年諸臣中經理河務較有把握者舍阿桂豈復有人卽如嵇璜早有令河流仍歸山東故道之奏此語豈復可行無論黃河南徙自北宋以來至今已數百年卽以現在情形而論其向北泛溢之水由趙王河歸大清河入海者祇有二分其餘由昭陽南陽等湖南下者仍有八分甚至江南沛縣城垣被衝則南下之水勢較北更大此時豈能力挽全河之勢使之盡由北流且於山東直隸運道往來甚有關礙豈容妄議更張爲今之計惟有就事論事救弊補偏此外別無辦法阿桂等惟當安心靜鎮另籌妥辦以期

天佑

神佑早得歲功至現在朕前辦事雖覺人少但阿桂不能卽離要工亦不必過爲焦急

初六日

公偕李奉翰韓鏞富勒渾奏言青龍岡大壩合而復開業經於十一月二十八日馳

奏次日臣等卽親至引河一帶逐段察看情形自青

龍岡至孔家莊十餘里河面衝刷甚寬水痕業已

漫灘寬處竟有二百餘丈而自孔家莊至田家寨七八里黃流止於所挑數十丈河面內行走並未塌厓緣該處一帶挑深一丈五六尺不等兩岸既高且係灘地凍土衝刷不動河面狹處止寬二十餘丈水勢致收束逼窄不能暢流直注過此至榮華寺楊家堂十餘里係沙土鬆浮易於衝刷而上一段阻滯不能迅駛以致全黃之水宣洩不及蓄積壩前長至二丈餘衝塌埽工其受病之原實在於此伏查此次開挑引河因正河淤墊與灘地相平即在河身內挑挖引溜必須開至舊有河形處

方可間段抽溝是以長至七千九百餘丈為從來堵築漫工所未有查治河書內引河不得過千尺最忌太長蓋長則水被束住不能迅疾宣暢而救長之病惟有加寬一法又恐曠日持久壩工不能停待籌辦原屬不易臣李奉翰臣韓錄臣富勒渾於八月內估定丈尺具奏時原奉有

諭旨諄切訓誡不可欲速而致疎忽並於引河圖內用硃筆標記令照此一律加展寬深仰見

皇上至聖至明慮周鑒遠臣李奉翰等遵

旨將原估寬四十丈者加寬十丈寬二十丈者加寬六丈

似覺可以容納且彼時大河水面高於引河數尺原有建瓴之勢計算挑完開放未至冬深土凍衝刷尙易而臣阿桂抵工後查勘其過窄之處曾經奏明加寬以順其勢而卽此原估丈尺尙屬不遺餘力晝夜嚴催方能如式完竣又因跌坎太深大河水低於引河內抽挖子溝勢不能再行加寬若早知如此寧可遲待旬月於兩壩口門存寬二十餘丈時將壩工暫停竭力展挑引河以冀暢達亦可以一舉蕆工乃臣等見不到此以致功敗垂成現在惟以前事爲鑒亟籌補救之法將青龍岡起至

孔家莊榮華寺楊家堂七千餘丈引河原挑口寬五十丈至十八丈者一律加足自三十丈至五十丈其應挑深者並加挑深如此一律加寬則口門收窄開放引河時宣洩暢利合龍後壩前長水斷不至於二丈可期堵合穩固所有加挑引河現已遴選州縣中素屬能事者三十餘員分段承挑派知府數員總理督催但時值臘月冰堅土凍施工較難以每日出二萬方土計日論工按工定限須三十餘日方能挑完雖爲時稍遲然不如此亦不能望其有成至現在蟄陷處所上水深五六丈下

水深二三丈俱有埽底並未刷深俟收拾淨盡仍可於原處輒鑲進占目下須俟展挑引河壩工儘有餘力每進一占更可加倍鑲壓較前自益穩固堅實奏入報

聞

十一日

公偕李奉翰韓鏞富勒渾奏言欽奉十二月初二日

諭旨跪讀之下仰蒙

皇上恩慈體卹

溫諭慰存感激彌深悚慚愈切數日以來臣等悉心體貼

細意推求壩工於合龍後堅持兩晝夜不為不固而水頭於二十九日子時已到江南礪山境未嘗無就下之勢其所以合而復開者皆由孔家莊迤下數千丈引河止寬二十餘丈水勢至此收束逼窄不能暢流直注以致全黃之水宣洩不及蓄積壩前埽工隙裂衝塌而臣等從前之所以慮不到此者因正河身內挑挖引河淤墊未久希冀新淤見水即去孰知灘地凍土衝刷不動現在公同籌酌將青龍岡起至孔家莊榮華寺楊家堂七千丈

引河一律加寬自四十丈至五十丈不等其應挑深者並加挑深約估土方一百十餘萬如此加展寬深則開放時計其容納之水較前多至一倍有餘自必迅疾宣暢壩工不至著重易於堵合穩固是揣度事勢似有可成之理仰賴

皇上洪福軫念災黎齋心祈禱更有必成之機又臣等伏讀

諭旨內稱壩工蟄陷或因天氣嚴寒凍土追壓未能堅實致罅漏進水復有此變亦未可知但是否係如此情形著阿桂等悉心訪察具奏欽此仰見

聖明洞鑒於工次情形無微不至周無遠勿照查堵築漫工大抵時值嚴冬其層層追壓之土不能不凍而此臣等晝夜在壩見重車裝載土料於壩上行走並不覺其震動而至進埽時以三十萬斤重之物從壩唇滾下並未壓動則其堅實可知且向來壩工於合龍後新做柴工難免稍有罅隙腰漏掛簾皆常有之事此次堵合後直至水長一丈六尺始見腰漏其受病似不在此惟東壩於淺水內進做長水搜刷不能如西壩之穩固現擬於上水用膠泥築做外餞一層並於貼進餞壩加鑲防風以爲

重重保護較前似益穩固至引河第二段土方較多現已將在工各員先派定段落開工挑挖其三
四段及第一段亦俱估定土方各該員陸續到工
即分派承辦初十日以內俱可到齊開挑_臣等督
令加添人夫上緊趕辦責成各府晝夜嚴催計算
正月初旬前後方能挑完堵合之期大約在上元
前後_臣等疊經變故惟有益加慎重計圖萬全斷
不敢稍存欲速之見盡心竭力籌畫妥辦俾引河
十分通暢壩工加倍鞏固以冀竣事葺工奏入

諭曰壩工合而復開雖係引河逼窄宜洩不暢或因天寒
土凍工作不能堅實所致前此籌辦時阿桂等何以未
會計及此時惟當益加慎重步步穩實以期開放時機
勢順利保固無虞至前年儀封十堡漫工堵合後亦有
蟄陷之事其時引河亦仍復挑展寬深係若干丈尺現
在籌辦情形自應即仿照前次寬深一律辦理并將所
做丈尺與今次所做丈尺是否相同查明具奏再阿桂
等昨所進河圖其中尚有未甚詳悉之處并著將現在
挑挖工程約有幾分及兩壩如何鑲築進占情形再行
詳細繪圖貼說呈覽朕廑念要工無時或釋阿桂等前
次奏報後又閱數日現在如何設法趨辦著即迅速由

驛覆奏以慰懸注

二十二日

公偕李奉翰韓鏞富勒渾奏言臣等欽奉十二月

十三日

諭旨臣等跪讀之下仰見

皇上廛念要工諄切訓勉至意竊照展挑引河承辦各員

陸續開工及兩壩鑲築進占各緣由業經於十五

日恭摺奏蒙

聖鑒在案伏查此次所開引河於合龍後黃水下注不但

二十九日已到江南碭山境南河叅將鄭永泰等

到工詢知黃水已過徐州尙有就下之勢其所以

合而復開皆由引河長而逼窄宣洩不暢之故臣

等從前亦曾籌慮及此無如此次所挑引河並非

藉此引入正河實係挑挖數十里河身是以長至

七千九百餘丈即原估丈尺土方已多至二百七

十餘萬為從來堵築漫口所未有臣阿桂抵工後

距開工已四十餘日查勘工程止有三四分實深

焦急不遺餘力晝夜嚴催僅能照估完竣業已曠

日持久勢不能再行加寬希冀合龍大溜全入可

以衝刷寬深孰知灘地凍土一時衝刷不動致復

決裂至工程堤岸時遇嚴冬卽停止興築恐凍土
至春融化不能堅實而堵築漫工則不能因天寒
停待卽如臣李奉翰上年堵辦張家油房漫口亦
於十一月二十四日合而復開上緊僱辦於十二
月中旬冰凌擁擠時堵合竣事仍在嚴寒節候現
在因東壩於淺水內進做恐水長搜刷壩根罅漏
進水用膠泥築做外戩並用膠泥築做夾土壩重
重保護以期涓滴不漏然亦不能不用凍土卽遍
詢在工大小員弁實亦無別法使土不凍至前年
堵築儀封十堡漫口堵合後有蟄陷之事亦由引
河未暢彼時續行展挑於土性稍堅處加寬至四
十丈其鬆土浮沙則挑至三十丈內外現在籌辦
情形將青龍岡起至孔家莊榮華寺楊家堂七千
丈引河按灘面之高下土性之鬆堅加寬自三十
丈至六七十丈不等其應挑深者並加挑深較前
次十堡所挑丈尺有增無減更加寬深而引河之
長則較多數千丈是以連楊家堂以下至芝蔴莊
間斷抽溝及賈家莊展挑膠泥河身共估土方一
百二十餘萬派州縣等官五十餘員分段承挑臣
富勒渾早經飛速檄調而地方遠近不等其現在

工次及陸續先到者早已開工各挑至三四五分不等亦有甫經調到開工者而芝蔴莊以下間斷抽溝及賈家莊等處則尙未開工此時實難核定分數而計日論方按方定限總在正月初十日以前一律挑挖完竣堵合之期約在上元後節氣已交雨水斷不能再遲此時塌去壩工除金門外其東壩壩頭一帶但有埽底並未刷深已將蟄陷處所補鑲齊全進做兩占西壩亦進一占因新淤甚厚儘力追壓到底再行進占目下口門存寬三十餘丈須俟展挑引河壩工儘有餘力每進一占俱可鑲至數日加倍堅實總期引河挑挖寬深則開放計其容納之水較前多至一倍有餘自必宣洩暢注壩工不至著重易於堵合鞏固奏入

諭曰覽奏俱悉亦無可別諭惟盡心虔禱賴

天佑

神助耳

二十八日

公偕李奉翰韓鏞富勒渾奏言臣等於本月十八日將展挑引河工段及兩壩鑲築進占情形繪圖貼說奏蒙

聖鑒數日以來東壩又進一占現在加鑲土坯儘力追壓西壩新淤稍覺刷動前次所進一占逐漸壓下俟追壓到底再行出占口門存寬二十八丈此次東壩所進數占因下有埽底恐不能穩貼督飭在工員弁多用乾草膠泥鑲墊平整逐層追壓每進一占鑲至三四日務令倍加穩固堅實所有外戩及夾土壩亦一律用膠泥築做夯礮堅實以期涓滴不漏至引河各段承挑官員內有先期到工較早者已挑至七八九分日內即可陸續告竣其路遠到遲於本月中旬開工者亦各挑至三四五分不等臣阿桂派軍機司員與總理各員絡繹往來督同各府嚴催承辦州縣等官加添人夫上緊挑挖務令依限完竣目下已交春令天氣晴和人夫踴躍臣等惟有欽遵

訓諭益加敬凜慎重籌辦督催挑河堅築壩工竭盡心力以期一舉集事奏入報

聞

阿文成公年譜卷二十六

王 昶勘定

第三孫那彥成恭纂

盧蔭溥增脩

乾隆四十七年壬寅六十六歲

正月十七日

恭錄

御製詩

西北風

戊戌儀封決南岸深慮北風阻合龍
戊戌儀封南岸十堡之工惟喜西南風逼

阿文成公年譜卷二十六

一

阿文成公年譜卷二十六
潘歸入引河而東北風則所最忌若西北風辛丑儀封決
猶可吹潘東趨較勝於東北金曾有詩記事
北岸排潘斯冀多北風適日正值合龍際風從北或西或
東前日東北釀嘉雪今朝雪霽西北雄風吹西北引河赴
此次北岸青龍岡之工則西北風能吹逼大潘由引河直
達正河而堵築壩工亦不致著重施工較易為力適日正
常合龍吃緊之際得此堵壩事半資倍功惟是刻期略已
風力佑助佇望益切
過前可一律完竣堵合之期約在上元前後昨正月十三
日復奏引河挑展寬深俱陸續完竣計其容納之水較前
多至一倍有餘壩工口門僅存十九丈現在督員弁一面
加築高厚一面外鑲防風逐漸進做務求步步穩固以期
一舉蕺工等語目下已過上元而合龍之報尚未奏到殊
深縉念耳南顧益滋心憂忡

二十日

諭曰前據阿桂等奏正月初十邊挑挖引河可以一律完
竣堵合之期約在上元節前後等語此次青龍岡堵合
壩工惟西北風能吹逼大潘由引河直達正河施工較
易連日得此風力佑助實深慶幸但自十三日阿桂等
奏到摺後迄今又逾數日若十五六間堵合口門喜音
可以早到未知此數日內開放引河是否得力西北風
吹潘之勢究竟若何朕盼望要工合龍日夕懸注惟有
齋心默禱以祈

天神護佑阿桂等在工督辦相機進占自當仰體朕懷早
期集事

二十三日

諭曰歲內阿桂等會奏漫工堵合之期約在上元前後是以旬日來繾念甚切昨據阿桂等奏到方以爲奏合龍佳音但係用五百里馳遞又恐有別故幾至手戰及披閱奏摺知已開放引河水勢暢注雖成工可必而漫口尚未堵合尤深厘念因思上年冬間壩口水勢陡長大溜湧激致將壩工蟄陷彼時曾以何不開放引河傳詢阿桂等嗣據覆奏開放引河必須俟河水蓄高有奔注之勢方可暢達掣溜等語其意似以引河不宜先行開放今此次東西兩壩尚各剩一門掃水勢甫經蓄高四尺何以即將引河開放耶且開放後雖據稱大河溜勢已經分掣三四分但大溜須全行吸動方可暢達無虞今所掣尚未過半其餘六七分溜勢當作何等辦令其全歸引河又所掣大溜水頭現在已達下游何處何以未見奏及並著薩載委員探明迅速馳奏至漫工已屆垂成此時惟當益加慎重步步穩實以期鞏固無虞轉不可存欲速之見

恭錄

御製詩

不憚

御園風薰柳上元雪宜麥對時應有豫而我獨不憚不憚

所為去聲何合龍望信迫初擬月之望過期念弗釋歲內阿桂等曾

奏堵合之期約在上元前後是以旬五百里奏至手戰封

日來繼念尤切詳見前西北風詩章擘正月二十二日午刻阿桂等五百里奏至若報合龍

當六百里加緊馳奏今仍五百里以為別有故心甚

懼誠恐非佳音却報引河關兩壩各進占下埽易為力閱

據稱於正月十九日卯刻開放引河河水頭較引河底

高至四尺餘初開之時奔騰下注勢甚迅駛河頭當即衝

深暢達大溜已掣三四分金門水力亦減現在東西兩壩

各剩一門歸日內乘機捲進增長壩臺即可掛纜堵合等

語覽奏仍不免厘念然事已垂成更不可欲速因批諭令

其加慎惟冀天佑神助迅速巖功日夕盼望佳音耳

天佑

賴

神助合龍應在即奏稱慰予懷未慰愁增益待馳真佳音

金隄鞏無易

二十六日

諭曰據阿桂等奏本月二十二日正擬掛纜合龍二十一

日東壩中間裂開一縫旋即陡蟄搶救不及致東壩頭

塌去三十餘丈請交部嚴加議處等語此意外之變實

屬無可如何至東壩中間裂縫以致壩頭塌失則工程

究未穩固其非波浪衝激可知是否係冬間用凍土堵

築其在工員弁又未免稍存欲速之意遂致復有此變

此人事未盡不得盡諉之於事勢之無如何阿桂等不

可不知然勢無中止此時祇須鎮靜妥辦倍加小心以期必成况事不過三已經兩次塌失此後天氣融和施工較易再無不成之理但現在開放之引河是否得力其水頭究至何處前據阿桂等奏蓄高水勢開放時頗爲暢注其河身現在是否衝刷寬深掣溜究有幾分若引河暢順得力則溜勢歸入正河壩工自然不致著重前次儀封兩岸堵築漫口曾將壩工改築始得成功此次是否可以改築移上十餘里再行挑挖譬如琴瑟不調甚者解而更張如此改辦俾歸入現放之引河吸溜歸槽或可得建瓴之勢阿桂等務期通盤籌酌悉心妥

議一面辦理一面奏聞現距春汛之期已近必得於汛前趕辦完竣方妥再阿桂等在工督辦現有李奉翰富勒渾等彼此商酌伙助有人現聞黃河以南運道俱各深通而北河運道未免淤墊目下正屆重運陸續北上不可無大員往來經理若令韓鏞前往微山湖北運河一帶查勘相機來往妥辦較爲有益著阿桂酌定後一面奏聞一面卽令韓鏞前往運河辦理至所請交部議處之處正可不必無論降革處分朕不忍以此加於阿桂等若不過照例降雷亦屬無謂且此事之屢經反覆朕方引以爲愧現在惟當盡人力以聽

天佑不可稍涉張皇以致中無把握即如前令阿桂督師

金川其未經蕞事之先誰謂功可必成而竟得告功振

旅燕喜凱旋惟我君臣一德一心勉力慎重以期有濟

耳

恭錄

御製詩

閱報

昨吟不憚詩報閱五百里始懼旋少慰引河稱順耳昨二

日阿桂等奏報開放引河已掣溜三四分金門水力亦減

東西兩壩各剩一門埽日內乘機捲進即可掛纜堵合等

語覽奏甚為縉念因賦不憚茲復接奏章五百如前此情

詩誌事金寄諭阿桂等知之

識非佳音果報隄裂地日內正盼六百里合龍喜信茲二

十六日早復聞阿桂等有五百里

馳奏恐非佳音及披閱奏章據稱於二十一日東壩中間

裂縫旋即陡墜去三十餘丈隨埽落水弁兵間有衝失

淹斃請交部議處等語朕以變屬意外敢猶詡至誠不善

事不可止惟盡人力以聽天佑耳

先知矣此非諸臣過自是君德否相助莫志頽前功弗可

墮叶寬免其落水弁兵明降諭旨分別恤賞並諭阿桂等通

盤籌酌應否改築壩工俾得吸溜歸槽務於春汛前趕辦

完竣盡力慎重為之以期必成且勗以從前所辦金川軍

二十七

諭曰目下距春汛之期不過旬餘而東壩現在場寬三十

餘丈連前未經堵合之口門七丈餘統計實有四十餘

可文茂公年譜卷二十一

丈雖天氣融和施工較易而此旬餘內未知能將壩工
堵築一律完竣否朕心殊為廛注此事惟聽阿桂等悉
心安酌相機趕辦總期工程穩固堅實朕亦別無訓諭
也至開放引河雖據奏稱蓄高水勢甚為通暢但水頭
究至何處未據確實具奏若引河得力吸動大溜則壩
工不致著重其合龍較易何至復有此變再此番蟄陷
後溜勢走入口內其所開之引河是否尚能暢達不致
淤墊亟著阿桂等詳細覆奏又從前儀封十堡壩工作
挑水壩挑溜歸入引河得以成功此次之西壩頭是否
應須照前做法再行添築幾丈俾溜勢挑開一切下埽

進占較易為力前此儀封十堡工程朕於陶莊

河神前虔心默禱即於是日合龍著有靈應此次阿桂仍

應虔誠祈禱默邀

神助不可因兩次塌失稍存絲毫怨尤之意

二月初一日

諭曰本日據阿桂等覆奏此次引河因較前寬深業有奔

注之勢東西兩壩各剩一門埽是以開放大河之水逐

漸增長分入引河流行暢達但引河雖暢不過分掣三

四分不能全行吸動其餘六七分總俟合龍後方能逼

入引河惟期合龍後堅持三日則引河宜洩暢達壩前

長水漸消自可鞏固無虞又稱此次十九二十流行兩日黃水尚未能出河南境等語又奏籌辦壩工情形一摺內稱東壩原墊處釘椿坐纜恐不能得力現在上水南首有膠泥灘一處甚屬結實即於此處外作邊埽內用膠泥加工夯礮堅實自南釘椿向北進占做長壩工與西壩相對以為捲門下埽之地仍自東釘椿坐纜加倍周防如此丁順做法較為穩固此次引河未經淤墊堵合不過在清明前後等語並繪圖貼說進呈亦已於摺內批示矣此次壩工垂成變生意外實屬無可如何之事阿桂等所奏情形亦祇得如此辦理現在引河未經淤墊固屬幸事但黃水尚未出河南境則去路究屬未暢據稱疊經變故不敢稍懈惟有奮勵振作督率員弁趕在汎水未旺以前蕺事等語所辦甚是阿桂等務須盡勉人力倍加小心以祈

天佑

助迅速集事此時益加慎重不可轉存欲速之見再前降諭旨令韓鏞是否可以前赴北運河一帶查看籌辦之處何以未據覆奏令迅速奏來

恭錄

御製詩

齋居雜言

吉戊當仲朔寅齋猶孟春帝京景物繁爆竹仍時聞御園半月間慶節已厭紛圖此適清謐書史聊堪親然而一日

樂每可禁萬民復思蒙正言近遠殊有分宋太宗嘗燈夕設宴蒙正侍上

語及五代凋敝不謂復致此繁盛蒙正對京師士庶走集故繁盛如此臣嘗見都城外不數里饑寒者甚眾願陛下

視近以及遠蒼生之幸况今正塞河瓠子衝決頻此大青龍岡北

也其言頗切中事理岸壩工已將合龍復有蟄塌之事實出意外現據阿桂等

奏請於上水南首膠泥灘結實處所作邊埽自南釘椿坐

纜向北進占庶多一層根繫工加一倍周防計日論功清

明前後可以堵合等語惟諭令慎重勉為以邀天祐神助塞固已下策下策屢遭屯嗟哉齊豫方吾民胡不辰

初五日

諭曰阿桂等奏籌辦青龍岡壩工及現在挑溜進占情形

一摺此時亦祇可如此辦理又閱韓鏞富勒渾等奏曲

家樓隄工一摺并擬築外越隄圖因思決口尚未合龍

豈能即至越隄今春汛在邇如有可設法變通之處自

當多方熟籌若此次能合龍固是萬幸無可復言不幸

復不能成則是現築壩處不宜合龍明矣朕詳閱圖內

形勢若將引河移在現築二壩之下引溜東注孔家莊

接入引河故道似比現開引河之處較為得力但此乃

無聊之極思因將圖內硃筆標出著諭阿桂等詳細審

度水勢土性為此備而不用之籌朕屢念要工日夕縈

切爲此不得已之計阿桂等惟當公同悉心籌畫期於
壩工有濟迅速歲事不可因有此旨稍存遷就之見

十九日

諭曰據阿桂等奏本月十一日戌刻壩工加鑲土坯之際
東壩陡向前行蟄直抵西壩上水進埽湊合堵住金門
立見斷流大溜全入引河奔騰下注水頭已過七十里
自戌刻至十二日丑刻奮力搶鑲及寅刻復又塌陷四
十餘丈引河隨即倒流大溜全掣惟有公同酌議另思
設法變通之計等語此時亦無可如何然斷無坐視之
理已於摺內批諭矣又據奏籌辦壩工一摺內稱現在

傳集道廳將備熟商妥議惟挑水壩一帶河底尚平地
勢亦高又東岸前築兜水壩一座以爲兜溜入引河之
計擬卽於此處建築壩基向西進做將挑水壩鑲寬加
厚向東進做計二百餘丈上緊趕辦約需五六十日尚
可於大汛以前完竣益於東壩後身加築土隄一道長
二百丈接至舊東壩根以防長水搜後之虞等語朕詳
加披閱祇可如此辦理亦無別法也惟查閱圖內引河
頭舊有兜水壩處所似可向東北加鑲寬厚接至東壩
臺則保護更爲得力因用硃筆畫出發交阿桂等閱看
如可照此接鑲做壩卽一面辦理一面奏聞至此次東

阿文成公年譜卷二十六
壩場失三次閱阿桂等摺內情詞不免惶遽然從前儀
封十堡亦屢有變動辦至一年有餘始得蕺事今北岸
雖較南岸關係東省運道尤爲緊要然亦惟倍加鎮定
董率員弁竭力辦理以期仰邀

天佑

神助不可露忽惶之意俾在工員役人人較前加倍奮勉
出力以期於事有濟方爲妥善至從前歷次漫決均係
南岸且由賈魯河渦河洪澤湖等處經過水勢尚可消
納歸海亦屬便利此次北岸決口山東運道河湖一片
漕船北上輓運維艱民田廬舍多被淹浸所關更爲緊
要若照阿桂等所奏改做之法尅期有成固爲甚善萬
一事勢難料預爲必不得已之計則與其決在北岸受
害大而辦理較難毋寧漫在南岸受害小而施工較易
著傳諭阿桂等務須慎密熟商卽在事道將等官如李
永吉輩亦不可稍爲洩露以致衆情疑慮反覺不成事
體設或阿桂等詢謀僉同一面奏聞一面密行咨會薩
載等預將南岸宣洩處所妥爲籌畫隄防使下游百姓
得早遷移不致失所爲要然此乃避重就輕無可如何
不得已之變計阿桂等不可稍存遷就必須審度機宜
實有把握再行據實陳奏

恭錄

御製詩

清明疊近作詩韻

清明實屆期瞥眼過半月半月前所望嗟復成虛說先是阿桂

奏堵築口門約可於清明前後合龍是以前作有合龍壩預指望期雁急心窟之句不期復有變動竟成虛望也壩

走幻龍口堰決遭蛟窟慙愧中止難移築勉力竭昨據阿

月十一日戌刻壩工得合金門立見斷流大溜直達引河下注奔騰七十里竟似合龍至十二日寅刻復整場四十

餘丈因擬改移於挑水壩處所接築壩臺庶幾改弦更張易於奏功也

二十日

諭曰本日據章嘉呼圖克圖奏稱

河神素來靈應從前康熙雍正年間曾因堵築工程差官

至西寧虔申祈籲得以歲工等語現在北岸要工屢有

變動朕齋心默禱以祈

天佑

神助並經傳諭阿桂等不可稍存怨尤之念但念阿桂連

日在工不免晝夜焦急茲特遣伊子阿彌達馳往西寧

同畱保住並章嘉呼圖克圖之弟吹卜藏呼圖克圖恭

詣河源致祭仰祈

神佑庶得迅速奏功合龍喜音當卽在旦夕也

三月十二日

諭曰本日據富勒渾奏青龍岡漫工於挑水壩改築大壩料物仍於本省督派採買以資接濟並稱此次料物雖來路稍遠毋庸增價亦不致缺乏各等語豫省漫工自去秋辦理堵合事宜屢經塌墊迄今已半載有餘所費料物不少茲據富勒渾奏採辦情形用料雖多尚敷應用並無辦理竭蹶之語該撫所奏是否果係實情其添辦督派毋庸增價之處果否不致累及閭閻稍存紛擾朕心彌爲廑念著傳諭阿桂卽將該撫辦理實在情形速行查明據實覆奏毋得稍有諱飾

二十四日

公奏言遵

旨查明現在壩工所需稽料每斤給腳價銀四釐毋庸增價亦無紛擾奏入報

聞

二十五日

公奏言青龍岡壩工合而又墊一摺

諭曰阿桂等奏青龍岡壩工於二十三日掛纜堵合後二十五日壩頭又復墊陷共衝塌十四五丈幸埽底猶存現將兩壩裏頭極力進鑲埽占尚可於大汛前堵合完竣等語壩工屢成屢潰此時亦無可再諭惟當勉力慎重

爲之以期

天佑神助於大汛前得以堵築完竣至金門屢次墊陷自應多方設法以期有濟向聞蛟龍畏鐵用以鎮壓亦或事理所有此時何不於金門將廢壞鐵錨等物試爲拋擲以期萬有一效著阿桂等熟籌妥辦

四月十五日

諭曰據阿桂等奏青龍岡壩工於初十日丑刻掛纜堵合鑲壩至十一日早金門業已斷流大溜全入引河水頭已入江南境至未刻西壩復陡墊塌去三十餘丈大溜仍從漫口下注等語昨十三四日晝夜盼望好音不至

十五日申刻始得五百里報卽知又有變動及閱阿桂等奏此情形實爲焦急目下料物漸短大汛將臨當此萬難措手之際正須盡心推求良法斷無束手坐視之理看來此處土性鬆浮似不宜合龍只可另覓善地據奏片內稱自青龍岡一帶形勢無可籌辦惟就上游擇其可以避重就輕之處帶同諮習河員親履查勘熟商辦法等語朕意亦止如此應就上游相度善地改弦更張現在自己商有成局其如何籌辦之處卽速繪圖貼說奏來以慰懸注至此次所開引河屢次旋溜不能得手或應順南岸相近處所另行籌度地面別開引河使

大溜得以直趨暢達南下庶於事勢有濟至從前曾經降旨爲不得已之計目下情形至此又不得不復申前說與其漫在北岸受害大而辦理較難毋寧漫在南岸受害小而施工較易蓋因南岸尚有賈魯河渦河洪澤湖等處逐漸消納歸海阿桂等再行通盤熟籌如果可行一面奏聞一面飛咨薩載譚尚忠等預爲籌備庶北岸不致著重合龍較易爲力至現在水勢仍由漫口下注三湖運河連爲一片亟須多籌去路如潘家屯內外引河及劉老澗六塘河等處凡可以宣洩歸海暢利之處均須逐節籌畫加挑寬廣俾資暢注著傳諭薩載韓鏞等悉心經理至阿桂所請治罪并叅奏河員之處情詞激切然亦何必爲此奏朕不忍觀也又壩工走失時李奉翰跌入金門被纜格傷朕心實爲憐憫今已全愈否此時朕實不忍治伊等之罪况此亦非治罪可了之事阿桂等惟有與在工員弁竭盡心力集思廣益詳籌妥辦以祈

天佑耳其現在如何查勘上游地勢改辦情形并作何等辦料物遵旨妥議緣由逐一詳悉迅速馳奏

十六日

諭曰昨據阿桂等奏到青龍岡漫口於初十日合龍後至

十一日復又墊塌三十餘丈之摺閱伊等所奏情詞竦懼幾於束手無措爲之竟夜思維籌畫再四一時實無良策而又萬萬不可中止坐視現在大臣中曾經辦理河務者阿桂之外惟嵇璜曾任北河總河然其見識力量究不及阿桂之較有把握若派令前往不過多添一人於事未必有濟若德成之另出主見有意紛更則於工務轉多掣肘自不如阿桂一手經理之爲得也况平陂往復事理之常從前儀封十堡壩工屢經變更然遲至一年有餘究獲蕝事此卽阿桂親身經歷者心固不可因此少懈氣亦不因此少餒昨朕於閱奏後卽御製

盼信詩一首著抄寄阿桂等閱看想必能仰體朕懷益加振作以冀迅速告功也至昨日阿桂等奏於上游履勘另覓善地爲改弦更張之計或欲於河身迤南低窪處所另開引河接至大河故道乎若已勘得地面商有成局卽速繪圖具奏若一時不能得地或仍於決口迤下向孔家莊照依發去圖內折角之處斜向東南開挖引河接入故道或另作挑水壩一道以逼溜勢之處著傳諭阿桂等詳籌妥議具奏至目下料物之難朕所深悉舊料漸完新料尚早然不得不爲急則治標之計所有河工常年預備搶險料物此時只得挪移湊用蓋各

工搶險固屬緊要而此時漫口尤為吃緊若云工次無料可以挪用則常年開銷錢糧預備料物者安在著阿桂商同韓鏞於河之南北工段內所有存工料物酌量抽撥迅速移用以濟要工所有節次撥過銀兩恐尚不敷用已降旨令戶部再撥部庫銀一百萬備用至韓鏞前因籌辦運河命赴東省往來督率查勘今毓奇在彼仍回青龍岡工次協同阿桂等籌辦料物堵築事宜阿桂李奉翰富勒渾經此變故不免惕息不安著賞給大小荷包香囊藥錠扇袋等物隨報發往阿桂等接奉此旨後即將現在遵辦緣由迅速馳奏

恭錄

御製詩

盼信

盼信已過期惕思非善事寢食正不寧五百里奏至十三

阿桂等奏未至十五日申刻始據五百里奏到摺內稱於初十日挂纜合龍金門斷流水頭已入江南境至十二日申刻西壩忽又陡墊三十餘丈阿桂等自請治罪並參奏工員青龍岡壩工屢敗垂成深為慚懣此時實不忍治司事者之罪然里無坐視惟有督率工員竭盡心力詳籌妥辦以祈天佑為改弦更張之計並傳諭薩載韓鏞等展寬下游潘家屯六塘事又敗垂成西壩茲復潰措手眾乏河等處以籌去路

策相與自請罪叶罪之我何忍責已益增愧然無坐視理

上游命等計琴瑟之弗調更張有古議君臣相慰籌天憐

或宥賜南顧心懸懸成吟託五字

十八日

諭曰青龍岡漫口壩工復有蟄塌之事節經降旨傳諭並將如何另覓善地爲改弦更張之計訊問阿桂等迅速熟籌妥議具奏現在阿桂等在工如何另籌辦法目下自己已有定議朕屢念該處要工無時或釋著再傳諭阿桂等令其速行奏聞以慰懸注至料物一項目下急需南北兩岸工段內備存搶險之料俱可酌量抽撥迅速移用向來河工人員習氣輒以搶險要工所用不可輕易挪動且每以設遇驟漲藉資抵禦爲詞殊不知青龍岡

既經漫口則全河之水已併注於此斷不至別處復有事端豈有舍現在要工急需而於無用處所預畱防備不動用之理向來各工拘泥汛段不肯將物料移用最爲陋習上年薩載尚有採辦割青之奏與其割青何不通融移用凡事須當權其緩急重輕臨時酌爲調劑阿桂等係曉事之人自必心服此旨不肯輕聽浮言致此時反以缺少物料自掣其肘也

二十三日

公偕李奉翰富勒渾奏言臣等伏查治河書內原稱堤工漫溢一次則河身定有數處受病此必然

之勢豫省自乾隆四十三年以來祥符八堡儀封十六堡張家油房曲家樓等處屢次漫溢將灘面淤高較之隄頂僅低數尺是以於舊河身內挑挖引河深至一丈五六尺尚不能與河面相平向來堵築漫口十餘丈時未有不開放引河者而此次口門收窄至七八丈者方能蓄水三四尺與引河相平可望進水總由漫口日益刷深而河底日漸淤高萬餘丈之引河挑至一丈數尺斷不能再加挑挖至開放時壩工業已著重誠如

聖諭此次所開引河雖大溜雨經全入引河終不能得手而灘地既一例淤高實無另行籌度可以別開引河之處且自曲家樓一帶經上年異漲之後衝成溝槽坑坎縱橫無數敗壞決裂之狀屢見疊出是此二百餘里內受病已深即使堵築合龍亦不過急則治標之計縱此次工竣竭力補偏救弊終不能保一二年無虞今既不可就敗壞之局敷衍於目前即遇伏秋大汛亦無善地可以改建壩工臣等前於屢次蟄失改築壩工之時亦曾先事預籌設法變通之計遴委諳習員弁於南北兩岸往來查勘相度善地改弦更張原擬就漫水所注加築

北隄使大河卽由潘家屯歸入黃河正道但計算隄工共長六百餘里勞費甚大且漫水自出大隄後趨向東北不能順隄而行且自微山湖以下湖河一片難以施工惟南隄外尚可更改遷移可備籌計臣等又檢查舊案順治九年河決封印北岸興工堵塞旋築旋潰迄無成功彼時河臣曾於上游時和驛一帶多開引渠數道引潘南趨以分其勢方克蕺工目今相近南岸旣無可籌辦處所臣等帶同文武員弁於迤上隄內民田復加履勘再四測量地勢惟得青龍岡迤上南岸隄內自蘭陽

三堡起向東地勢就下較之隄外大河水面低至三四尺不等若北河唇灘面低至一丈五六尺至二丈不等自此至考城商邱等汛共一百七十餘里大率相同卽間有稍高處所亦不甚懸殊現擬相距南隄千丈外連築大隄一道又前次南岸漫水所過本有沿隄舊河形再間段挑深數尺引渠一道實有就下之勢查此兩項工程計長一百六十餘里工大費繁非四五月之久不能竣事俟渠已挑成隄已築數丈後卽於蘭陽三堡老隄創挖寬深缺口導水進內由引渠下注從商邱七堡出

隄歸入正河大溜勢必全掣東向下歸故道入海其曲家樓漫口自可堵閉並將圈隄兩頭接築北隄易於防守亦可免防北岸無數險工其原有舊南隄任其衝刷若大溜串入舊南隄內順隄河合流而下尤爲寬廣而距新隄甚遠既有餘地水勢蕩漾游波寬緩足資容納夫然後水由地中行勢必深通暢達避去儀考一帶受病地方是此事一成可望數年無患較之築壩堵塞僅補救於一時者不同臣等熟商妥議舍此別無良策至隄內民田廬舍原不能無碍且考城一縣亦須遷移臣等

亦未嘗不籌慮及此查考城自四十二年以後屢被漫水淹浸城郭塌隳官民俱在隄上居住本有不得不移之勢至隄內居民屢被灾祲寧於隄外灘地高阜居住水至尚可趨避斷不肯過隄棲止致水至猝不及防是以過隄一帶廬舍亦甚寥寥卽有民田亦可酌量將舊河身灘地撥給更換或情願仍於新隄外居住卽將其地照河灘減則不使稍有擾累失所並先期出示曉諭以如此籌辦庶可保護安全小民亦必樂從又有慮及江南河身高仰水勢不能暢注者查自清口歸海之路自

黃流漫溢止有淮水下注久已冲刷深通而徐州以下則開放潘家屯後湖水刷河亦可無虞阻滯惟蕭碭銅山迤西或間有淤高處所臣李奉翰擬卽逐段察看測量挑挖務令一律疏濬深通俾黃水歸入故道時順流迅駛以期一勞永逸至估計土方若干應用銀數若干及如何派員分段承辦並量地勢上下之別以酌建築之高卑定挑挖之深淺各事宜臣等逐細履勘縷晰條分續行具奏

再河臣韓鏞現奉

諭旨令其馳回工次現係改辦之事關係甚大俟伊到日

再令詳悉履勘各抒所見自行陳奏奏入

諭曰此亦無可如何之計大學士九卿詳議具奏

二十三日

諭曰據阿桂等奏自蘭陽三堡一帶大壩外另添築南隄開挑引渠計長一百七十餘里約四五月竣工可以導水由引渠下注正河勢必掣溜全歸故道入海等語已批交大學士九卿詳議具奏矣此雖無可如何之計然目前籌辦無過於此大學士九卿等才識見地俱不及阿桂之明練亦未必另有善策此事自卽可照議辦理至阿桂此次所奏現在儀考地形敗壞無可籌辦應於

蘭陽三堡改築大隄開挑引渠既經履勘確實衆議僉同即可直陳無隱乃摺內語氣似以未能遵朕向南隄另求去路之前旨故爲委曲宛轉多其詞說不知朕前旨原止通論大勢宜就迤南一帶相度辦理非如阿桂等身親履勘目擊情形也今披覽所奏圖說籌畫得宜其所奏蘭陽三堡改隄卽係朕前旨所指迤南一帶也現在改築南隄開挑引渠自須數月之久方能辦竣阿桂等惟有督率在工員弁將所築隄根夯碾堅實俾資鞏固毋任草率至目前旣不能合龍則水勢仍由北岸下注惟恃下游廣爲宣洩如潘家屯六塘河等處凡可以暢達歸海之路著傳諭薩載李奉翰前往悉心相度應展寬者展寬應開放者開放至李奉翰籌辦事畢仍卽回豫同辦此事

二十五日

諭曰昨據阿桂等奏南岸築隄改渠一摺批交大學士九卿議奏今日復召見大學士尚書與軍機大臣等面降諭旨詢問現辦河工除築隄改渠之外是否別有長策僉稱青龍岡壩工屢築未就自應於南岸改辦卽目前形勢而論不得不如阿桂所奏辦理又據嵇璜奏請俟白露過後秋汎水退時再行施工等語河工乃國家大事關係民生不

獨朕日夜焦勞凡在廷大臣均應盡心籌慮以期有裨國是嵇璜此奏亦有所見其是否可以待至八月後施工不致趕辦不及之處著傳諭阿桂等再行通盤熟籌據實具奏至青龍岡壩工現在既不能堵合其所在口門三十餘丈務須保護完固不得續又塌失方爲妥善總之此事朕毫無成見惟期於民生實有裨益阿桂等昨所奏蘭陽三堡建隄改河卽係朕前旨所指之迤南一帶另籌去路惟前旨係通論大勢未嘗身親履勘目擊情形今覽所奏圖說阿桂等既經親勘籌酌得宜飭下廷議衆謀僉同自應照所奏辦理至嵇璜所稱緩至秋間開工之處亦爲斟酌事勢慎重要工起見阿桂等身親其事見聞真確果否可行俟阿桂等奏到再降諭旨

五月初一日

諭曰前據阿桂等奏豫省河工另籌由蘭陽三堡改築南隄挑挖引河一摺經大學士九卿會議朕降旨允行所有籌辦一切事宜有韓鏞富勒渾在彼督率工員儘可料理此時阿桂毋庸畱駐工次著卽來京俟將來隄工引河將竣開放時再行前往閱勘阿桂原係派出畱京辦事大臣現在東省國泰一案呂爾昌將次解到有應行訊究質對之處必須明白曉事之人在京辦理方得

平允阿桂接奉此旨即可起程若能於朕啟鑾之日趕到可至南石槽行宮復命若十二日不能趕到即不必再赴密雲統俟呂爾昌國泰等全案完結後再行前赴熱河復命亦無不可並將壩工現在籌辦情形覆奏以慰懸注

初三日

諭曰據阿桂等覆奏豫省漫工另籌築隄改渠並嵇璜所奏秋間施工一摺內稱青龍岡漫口屢經變動形勢敗壞已極是以遵旨於迤南一帶另籌去路自應及時辦理若於白露後開工恐水落歸槽不能掣溜且既有決

口漫水下注即遇伏秋盛漲不能復有改移等語所奏自屬實情河工關係民生最爲重大前此嵇璜所奏亦屬陳其所見期有益於事朕亦明知趕辦不及爲慮是以傳旨詢問阿桂等令其斟酌該處等事勢果否可行再行詳議據實覆奏今據阿桂等奏於五六月內興工即遇雨水耽延亦可先得二月工程又據稱漫工塌決處所現止飭令工員妥爲保護不必如堵築時多費料物並稱現在應用民夫踴躍即東省災氓亦聞風雲集並可以工代賑各等語所籌皆是均應如所奏辦理總之議河如聚訟朕於諸臣本不豫設成見惟揣度

理勢執兩用中期於民生實有裨益阿桂等身親其事見聞確切自為籌酌得宜已經降旨令阿桂回京俟工竣開放引河再行前往查勘阿桂此時即可將籌辦事宜詳細交韓鏞富勒渾妥為經理如議速行也

初八日

公偕韓鏞富勒渾奏言臣等因儀考一帶河身受病已深以致青龍岡壩工屢築難就公同履勘於隄內迤南添築大隄開挑引渠仰蒙

皇上勅交大學士九卿議覆

允行臣韓鏞自東回豫現在上下往來履勘測量地形大

局係屬西高東窪南仰北低俱有就下之勢為今之計捨此實別無良策臣等復公同悉心商酌將一切應行事宜酌議各條恭呈

御覽一蘭陽迤南舊有沈隄一道由蘭陽起至商邱長二百餘里其自儀封以西相距大隄五六里至十餘里不等雖已殘缺漂廢基址猶存自儀封以東則大隄遙遠且經數次漫水舊基衝失今自蘭陽汛十堡起至儀封數十里就沈隄加築自儀封至商邱十一堡止另行盤築根基計估築大隄一道底寬十七丈頂寬五丈平地以高二丈為準共長二

萬六千八百餘丈工分三百零二段約估土五百七十餘萬派定各員慎選礮夫分段承辦取土須在隄南三十丈以外不得就近挖成深坑致隄身孤懸積水傷隄每土一坯卽潑水一遍如式夯礮方能膠黏堅實每坯一尺五寸築實一尺一寸爲度上土不許過厚坦坡尤宜加意用礮築打自底至頂層層夯礮堅實臣等時加查驗酌立勸懲方不致有怠率偷減諸弊一蘭陽汎引水入隄之李六口大隄高於隄外灘面八尺灘高水面一丈七尺五寸水面較高隄內地面二尺今估挑引渠於

李六口隄內挑深五尺此下地勢高低不一深七八九尺及一丈餘寬三十丈至四五十丈不等其河頭河尾灘地內挑深二丈餘尺均寬五六十丈俾進水外灘成吸川之形出水外灘有建甌之勢計自蘭陽汎李六口起至商邱七堡東老河厓止共長二萬四千五百餘丈亦分工估土令承辦各員於應挖渠身內靠北先挖寬十丈子溝一道不但大雨時行水有所歸不致漫漫難以施工而水爲平因其就下之勢可以一律調順高者宜深挑河面當加寬窪者宜淺挖河面可收窄其出土

亦於插定封堆灰印之南三十丈創挖溝形一道寬三尺深三尺以爲定界並嚴禁偷減墊厓等弊以期如式寬深一此次工程浩大現遴州縣六十員分段承辦知府五員總理其事道三員專司督催至挑挖引渠共派丞倅佐雜及試用効力官一百七十二員分段承挑派道府直隸州五員總理督催並按日論工按工定限令督催各員將工程分段彙五日一報_臣等輪流赴工督率稽察如有踴躍急公之員分別記功工竣時奏請議敘遲誤偷減者立行叅革永不敘用一俟挑築工程約八

分以上其時大汛已過卽於蘭陽汛李六口進水處一帶相度築壩一道爲逼溜南趨計但河面旣寬餘溜未能全掣擬於北岸建築壩基逐漸挑溜南趨以期開放後截溜全歸新河一隄內築隄開河段落業經丈量標記有礙民田廬舍處所現已出示曉諭民情甚屬寧貼俟查明應遷廬舍若干酌給搬移之費應用民田若干將舊河身灘地撥給更換其情愿於新隄外居住者卽將其地照河灘減則務期籌辦安全不使擾累奏入得旨有治人無治法實力妥爲之

二十七日

諭曰昨據阿桂前來熱河復命面詢以現在所開引河形勢據稱將來引河挑成開放時考城一縣濱臨黃河四面受水現議遷移北岸等語此事係目下急務該縣城池應於何處建立必須相度基址早爲籌畫然後可議遷移且現在該縣辦理地方一切公務其官吏人等亦須安設廨宇積貯文卷方爲妥協富勒渾會否於北岸距河稍遠地方勘定基址豫爲籌辦何以尚未見該撫奏及著卽傳諭富勒渾令其迅速履勘辦理毋致臨事周章貽誤

六月二十日

諭曰閱本日韓鏞等奏到築隄挑河情形并繪進圖內其儀封一縣尚繪在新築南隄之內南岸開挑引河自蘭陽三堡起至商邱刨開老隄歸入正河則新隄之內俱已讓地與水不宜復畱縣城令其孤懸河濱一無保障雖前據富勒渾奏將考城一縣擬移建於北岸之張村集地方其儀封舊城則稱地本低窪城垣坍塌將來亦須脩建應另勘商儀適中之地擇其高寬地面改籌建築等語儀封建城亦屬目前緊要之事自當與考城一例遷移現在富勒渾會否已於商儀適中之處勘定基

附錄成公年譜卷二十六
址另爲興建何以不行據實覆奏再閱圖內其向南分
流各支河雖俱有細小紅點堵截但港汊分歧此等支
流是否卽係大河旁支抑或別有來源將來新引河開
成後各支河之水是否一併歸入引河之處亦未據奏
明著傳諭李奉翰韓鏞等令其詳悉再行繪圖貼說具
奏並將本日奏到原摺及圖發交阿桂閱看阿桂在該
處情形熟悉並令其據實隨報覆奏

二十九日

諭曰據李奉翰查勘現在新工及豫省雇夫不敷情形一
摺內稱人夫一項因正當中伏炎暑大雨時行未能卽

時雲集而附近各處將屆秋糧收割之時農民各顧本
業雇募究屬不敷其勢不得不資鄰省將來東省人夫
足用原可毋庸向直省代雇現與韓鏞富勒渾面商妥
辦時屆白露卽可完工等語看來直隸山東皆以辦夫
爲難而河南則以協辦人夫爲急朕意豫工需用人夫
自應在本省雇備爲便從前屢降諭旨甚明李奉翰等
當酌量情形妥爲雇覓該處人夫斷無不踴躍赴工之
理若謂此時將屆秋糧收割農民各顧本業方當六月
下旬未免指稱時候太早轉以藉詞推諉總之令直省
代雇一說固不必提卽東省協濟之夫除已經陸續赴

工外倘豫省名募足數亦應飛咨停止以免鄰省跋涉之苦李奉翰等務當遵照妥辦至挑引河從前雖經奏定在白露以前截工但爲期尚緊今思若寬限至霜降節邊完竣則該省人夫亦可以從容集事辦理更易而開放引河亦不爲遲再前閱明興奏到圖內南陽昭陽微山等湖其水清澈該處係承受漫口下注之水自然水泛黃色斷無澄清之理若其水果清則泥沙必至淤墊湖身將來猝遇盛漲不能容納於運道甚爲可慮從前薩載韓鏞等奏稱豫省漫下之水俱係串湖邊下注距南陽正西八里之玉皇廟下達穀亭河是以清濁不能混淆等語其所奏情形未經目擊不能遽信爲確實若果如韓鏞等所奏則下游散漫之水並不入三湖自有一路循流順軌仍滙入舊河歸海何必又紛紛籌備分洩三湖如潘家屯六塘河等處廣爲設法疏濬開挑卽漫口亦無須堵築矣朕於此處甚疑之下游及湖身運道現在情形實爲厯念不置總之此事現雖有李奉翰韓鏞等在工經理而阿桂係一手督辦之人其識見自較勝於李奉翰等此時在京不過照常事件非必須阿桂辦理若能卽赴該處籌辦一切朕可放心著傳諭阿桂令其自行酌量起程或由山東運河一路查勘赴

工俟定有日期即行奏聞以慰朕厯注要工之意

恭錄

御製詩

助夫

青龍岡無望因之議改弦

今年四月內因豫省青龍岡漫工屢經蟄塌勢難收拾命大學

士阿桂等於上游南岸相度形勢另議改弦故有無望之作

蘭陽至商邱議將引渠穿

南隄外築隄導河可歸川

阿桂等遵旨於上游履勘請自蘭陽三堡至商邱七堡南隄外

添建大隄一道內開引渠一百六十餘里導河水入渠下注商邱歸入正河故道入海雖無可如何之計然舍此別

無良策因飭大學士九卿議覆准行舍此別無策遑論棄民田然此實為

民事當輕重權惟是西至東百六十里綿亘鉅用夫多大

吏棘手難

築隄開渠需用人夫較多據韓鏞富勒渾等馳奏請於隣省之山東直隸通融撥派夫役以

期大工速竣並一面移會該督撫轉飭雇覓以濟要工等語

而我思長計此事恐未然

齊有被災區工代賑可焉直隸本無災民謀食弗艱雖與

之雇值安土怯往還且有吏押去

豫工用夫雖多但思東省曹州等處被水居民

覓食維艱此時以工代賑尚可冀其踴躍從事至直省隣近河南各屬上年均屬豐收小民不藉力作餬口若官為

雇備又派員管押赴工恐愚民非所樂從因傳諭鄭大進富勒渾明興等公同等籌酌可已則已不致勞民動眾方為

安是無罪受愆因憶古興工率用民力全何曾與雇值長

城今目前本朝俱動帑愛民

家法傳仍猶恐累民人情率重

去聲遷亟命相酌商可已則

已施工鉅不可停民勞更所憐不應因愛民却致勞民間

展轉反側籌為君難一端更思助夫義蓋因期迫煎伏秋

汛總過今年伏秋汛前總不能蕺事也何必不可延設再展其期徐為工

自堅而亦可減夫隣助庶無煩隣省助夫非便屢經降旨訓諭乃該督撫等泥於白

露前竣工之限是以屢經瀆奏請資隣省人夫幫助今思伏秋汛前既不能蕺事即緩至冬間甚或遲至明春桃汛

以前開放引河亦無不可如此則現在豫省夫役可以從容挑築毋庸他省派撥之煩因命大學士阿桂即往工段

會同河臣等通盤籌畫一面辦理一面奏聞總然賴

天恩佑民永安瀾

七月初一日

諭曰據李奉翰等奏直隸山東江南各省附近豫工各屬

代雇民夫派員帶領來工指與工段即令該省委員駐

工督率人夫興挑等因一摺此項協濟人夫直隸山東

等省其僉派押解小民不盡踴躍樂從朕從前早經見

及屢次傳諭甚明李奉翰等應遵照節次諭旨務儘本

省人夫召募雇用蓋開挑引河原因堵築漫口為民田

廬舍奠安之計乃驅率隔省不樂之夫押解赴工是欲

利民而轉以病民甚非朕軫恤窮黎屢念要工之意昨

令阿桂起程赴工或順道由山東運河一帶查勘河湖

形勢本日據韓鏞等奏到緯道及糧艘北上情形俱屬

安穩看此光景阿桂不必由東省查勘應即由京徑赴

豫工督辦一切日內即酌定出京日期一面起程一面

具奏總之引河工程其創挖溝槽及隄工基址大局已定卽眼前人夫不能十分齊集就本處雇覓儘屬從容亦毋庸藉資隣省况前已降旨將開放之期寬限至霜降節邊現在伏汛已過秋汛將臨設霜降時候所有開挑工程尚不能一律完竣卽緩至冬間甚或遲至明春桃汛以前開放一舉集事亦無不可此等機宜阿桂到彼會同李奉翰等悉心籌酌妥爲辦理朕可稍紓厯念

初二日

諭曰據薩載奏開放顧家莊引渠分洩運中河水暢達入黃情形一摺內稱測量顧家莊地勢河水高於引渠五

尺卽將該引河於六月十八日開放原挖口門十丈開放復刷寬十餘丈口門水深一丈三尺餘寸分洩入黃約有三四分不特上游來水易消而下游運中河數日之內消水三尺餘寸溜勢平緩江廣糧船渡黃入口挽運甚易該處引河分洩得力已著成效第口門過寬日久恐致掣動全河今將兩壩頭用料裹護相機進占等語看來該處引渠分洩上游漫口之水甚爲得力其口門雖逐漸刷寬卽使掣動全河之勢由此歸入舊黃河直注入海亦無不可如此則蘭陽現開之引河儘可從容籌辦毋庸再派隣省人夫致滋紛擾若如薩載所奏將

壩頭裹護進占收窄口門轉恐分洩不能通暢有礙去路著傳諭阿桂令其通盤酌量情形一面據實具奏一面知照辦理

初四日

諭曰據鄭大進覆奏代雇豫工人夫遵旨停止一摺此事在豫省則以幫夫爲急在直隸山東則以辦夫爲難從前閱伊等所奏情節朕早經料及是以節次降旨諭令李奉翰韓鏞卽在本省儘數雇募今直隸已經受雇之夫相隔月餘尚未起身則可知小民裹糧遠涉俱非樂從果不出朕之所料又本日明興奏到摺內亦稱各村

莊可以傭作之人俱不願受雇現在飭令委員將曹縣境內應行挑挖工程先儘力趕辦俟夫役漸增再將豫省工程協助施工等語所奏亦屬實在情形只可如此辦理至從前白露節間完工一說朕揣度情勢屆期斷不能蕞事故屢次降旨寬限至明春桃汛以前亦不爲遲今立秋已逾數日轉瞬白露該省工程尚未據奏報分數卽使此時各省人夫齊集白露以前亦斷無依期完竣之理著傳諭阿桂李奉翰等務遵照諭旨在本省陸續雇募人夫從容辦理總期於引河深濬隄工堅實不妨畧遲其期總以開放時掣動大溜引歸正河爲要

御製助夫詩一首著抄寄鄭大進李奉翰韓鏞富勒渾
明興等閱看鄭大進等原摺亦一併抄寄阿桂閱看將
此由六百里各諭令知之

初八日

諭曰阿桂覆奏接奉諭旨赴工遵辦及奏報起程日期一
摺內稱霜降以後若未能一律完竣即奏請展限據臣
愚見亦斷不至桃汛以前即可告歲等語在阿桂之意
以要工早得竣事可以仰慰朕懷但朕前降旨內所有
明年桃汛前開放引河之說非專爲阿桂等辦理此事
寬其期限向聞開放引河必當借水長時刷沙奔壑方

爲有力若開挑完竣在冬月水斂之時放水恐不能得
力未必如桃汛時酌量開放之穩而凌汛水勢尚帶冰
凌又不如桃汛時之開放順暢更爲得力况從前閱阿
桂等開放引河摺內尚稱稍遲數日蓄高水頭則開放
時有一瀉千里之勢可以掣動溜勢等語此一定不易
之理豈可於冬月水落之候輕易從事乎阿桂到工後
當與李奉翰等悉心體訪酌量情形再行據實具奏

初九日

諭曰本日據明興覆奏運河情形一摺內稱從前查看運
道見南陽昭陽微山各湖水色均係清水等語著傳諭

阿桂到工時悉心體訪將各該處實在情形迅速覆奏
並繪圖貼說呈覽

十一日

諭曰據薩載奏查看青龍岡迤下漫衍之水逐漸澄淤流
入微山湖等因一摺其所奏情形俱已覽悉並於摺內
詳晰批示矣但閱該督奏到兩圖并韓鏞奏到圖內其
所繪三湖自金鄉以下卽係清水而黃水別無南下去
路據稱係湖滿頂住黃水不致直灌等語則似黃河於
金鄉以上卽漸次澄淤以下皆清水矣而昨日明興覆
奏摺內則稱湖西本有前明運河一道去歲南陽昭陽

微山各湖積水本多水勢甚旺力足敵黃是以黃水由
湖西邊卽已南注並未入湖又前明舊運河尾直至江
南始與運中河相會等語又似黃河被湖水所逼自行
一路至江南始入運河何以此次薩載韓鏞進到圖內
並未將舊運河一道黃水經由南下之處繪入著傳諭
薩載李奉翰韓鏞明興等查明湖西舊運河坐落方向
究在何處其薩載韓鏞明興等所進三圖究竟以何爲
准一併詳查聲敘添繪合成一圖貼說據實會奏勿稍
存迴護之見本日進到各圖及昨明興所進之圖一併
發去并諭阿桂知之

十二日

諭曰今年春間因豫省青龍岡漫口合龍未就遣大學士阿桂之子乾清門侍衛阿彌達前往青海務窮河源告祭

河神事竣復命並據按定南鍼繪圖具說呈覽據奏星宿海西南有一河名阿勒坦郭勒蒙古語阿勒坦卽黃金郭勒卽河也此河實係黃河上源其水色黃始名黃河又阿勒坦郭勒之西有巨石高數丈名阿勒坦噶達素齊老蒙古語噶達素北極星也齊老石也其崖壁黃赤色壁上爲天池池中流泉噴湧醜爲百道皆成金色入

阿勒坦郭勒則眞黃河之上源也其所奏河源頗爲明晰從前康熙四十三年

皇祖命侍衛拉錫等往窮河源其時伊等但窮至星宿海卽指爲河源自彼回程覆奏而未窮至阿勒坦郭勒之黃水尤未窮至阿勒坦噶達素齊老之眞源是以皇祖所降諭旨并

幾暇格物編星宿海一條亦但就拉錫等所奏以鄂敦他臘爲河源也今旣考詢明確較前更加詳晰因賦河源詩一篇敘述原委又因漢書河出昆侖之語考之於今昆侖當在回部中回部諸水皆東注蒲昌海卽鹽澤之

水入地伏流至青海始出而大河之水獨黃非昆侖之水伏地至此出而挾星宿海諸水爲河瀆而何濟水三伏三見此亦一証因於河源詩後復加按語爲之決疑傳正嗣檢閱宋史河渠志有云河繞昆侖之南折而東復繞昆侖之北諸語夫昆侖大山也河安能繞其南又繞其北此不待辨而知其誣且昆侖在回部離此萬里誰能移此爲青海之河源卽又細閱康熙年間拉錫所具圖於貴德之西有三支河名昆都倫乃悟昆都倫者蒙古語謂橫也橫卽支河之謂此元時舊名謂有三橫河入於河蓋蒙古以橫爲昆都倫卽回部所謂昆侖山

者亦係橫嶺而脩書者不解其故遂牽青海之昆都倫河爲回部之昆侖山耳旣解其疑不可不詳誌因復著讀宋史河渠志一篇茲更檢元史地理志有河源附錄一卷內稱漢使張騫到西域見二水交流發葱嶺漚鹽澤伏流千里至積石而再出其所言與朕蒲昌海卽鹽澤之水入地伏流意頗合可見古人考証已有先得我心者按史記大宛傳云于闐之西水皆西流注西海其東水東流注鹽澤潛行地下其南則河源出焉河注中國漢書西域傳于闐國條下所引亦同而說未詳盡張騫旣至蒲昌海則或越過星宿海直至回部地方或回

至星宿海而未尋至阿勒坦郭勒等處當日還奏必有奏牘或繪圖陳獻而司馬遷班固紀載弗爲備詳始末僅以數語了事致後人無從考証此作史者之畧也然則武帝紀所云昆侖爲河源本不誤特未詳伏流而出青海之阿勒坦噶達素而經星宿海爲河源耳至元世祖時遣使窮河源亦但言至青海之星宿海見有泉百餘泓便指爲河源而不言其上有阿勒坦噶達素之黃水又上有蒲昌海之伏流則仍屬得半而止朕從前爲熱河考卽言河源自葱嶺以東之和闐葉爾羌諸水瀦爲蒲昌海卽鹽澤蒙古語謂之羅布諾爾伏流地中復出爲星宿海云今覆閱史記漢書所紀河源爲之究極原委則張騫所窮正與今所考訂相合又豈可沒其探本窮源之實乎所有兩漢迄今自正史以及各家河源辨証諸書允宜通行校閱訂是正訛編輯河源紀略一書著四庫館總裁督同總纂等悉心纂辦將御製河源詩文冠於卷端凡蒙古地名人名譯對漢音者均照改定正史詳晰校正無訛頒布刊刻並錄入四庫全書以昭傳信特諭

恭錄

御製詩

河源

惟嶽曰有五惟瀆曰有四四瀆河居一宏功贊

天地金隄護九曲邇年每有事戊戌年儀封十六堡決口庚子年雖寧之郭家渡考

城之張家油房掣溜均在南岸昨辛丑儀封青龍岡漫口則在北岸瓠子計已竭靈源致虔

祭因遣侍衛往豫省青龍岡漫工因屢次合龍未就於本年二月內命大學士阿桂之子乾清門侍

衛阿彌達前往務窮河源告祭河神事竣復命並據按定南針繪圖具說呈覽所奏星宿海情形有舊圖未備之

處星宿海蒙古語鄂敦淖爾鄂敦星宿海情形有舊圖未備之處星宿海有泉千百漏出俱綠水惟西南一河名阿勒坦郭勒

蒙古語阿勒坦即黃金郭勒即河也此河實係黃河上源其水色黃從東南流更折而西北回旋三百餘里穿入星

宿海因會諸綠水黃色微淡自此合流東下屈曲千七百餘里至貴德堡挾沙激浪水色金黃始名黃河向以星宿

海諸泉為河源雖未窮至阿勒坦郭勒之上源而窮源命河由星宿海以行謂之源亦不致大相逕庭云

必致歸來新圖呈舊圖稱未備舊云星宿海便即河源是

叶 蒙古語鄂敦鄂敦星宿謂此固非差訛然河其南寄因

更向西行溯洄川益邃色赤作黃金別流無敢廁詢以蒙

古名曰阿勒 叶 阿勒 坦謂黃金郭勒

則河義更西得巨石詢蒙古名字阿勒 坦噶達素北極星

名意阿勒坦郭勒之西有巨石高數丈亭亭獨立名阿勒坦噶達素齊老阿勒坦噶達素蒙古語北極星也齊

老石也惟此一石峯其崖壁乃土作黃赤色更無草木壁

上為天池池中流泉噴涌醜為百道皆作金色入阿勒坦

郭勒實黃河真源也 司水見道經不約今古契再上則赤壁壁端天

池積叶 醜泉作金色真源信無二山土胥金色更無林木

東至貴德堡遂作純黃色叶向稱星宿源亦未大差致集

林云有人未書其名見婦浣紗異張騫支機石更述荆楚記或

到星宿海附會傳奇偽統

天一所生軒圖旨早示考訂誌其詳惟籲

安瀾賜

公奏言本月初八日臣於定興途次接奉

諭旨仰見

皇上至聖至明於工次情形無慮不周無微不燭查向來

開放引河須俟蓄高水頭則開放時有一瀉奔騰

之勢可以掣動大溜此次儀封南岸挑挖新河綿

亘一百數十里誠如

聖諭尤必當借水長時刷沙奔壑開放方為有力若在冬

月水斂之時放水恐不能得力臣等從前定議時

所以必令及早開工者原期於八月以內一律完

竣乘水盛時放河則掣溜更速或八月以內未能

完竣若在九月中旬霜降前開放似亦未遲維時

未交冬令河水尚旺一經掣動大溜則秋水刷河

冬水淘底新河自易於滌盪寬深現在距霜降尚

有兩月餘且臣於途次遇有豫省來人畱心訪問

念及目下天氣晴爽民夫已漸齊集若果夫役充

足能於霜降以前全竣則早一日完工可早一日
開放自應趕緊籌辦以冀鉅工告蕝上紓

宵旰焦勞第傳聞亦未足憑容臣抵工所悉心確訪廣為

諮詢通盤籌畫再行具奏恭請

聖訓如霜降前實趕不及自當從容辦理斷不敢冬月水

落之候輕易從事至引河於何時啓放較有把握

之處臣素不諳河務且經歷甚少抵工後不特李

奉翰韓鏞二人俱係河員出身自必與之悉心商

酌即在工人衆有能曉悉河務者亦當遍加訪詢

總期籌畫萬全一舉集事仰慰

聖懷奏入報

聞

初九日

諭曰明興覆奏運河情形一摺內稱從前查看運道見南

陽昭陽微山各湖水色均係清水曾詢問該處地方官

據稱湖西本有前明運河一道去歲南陽昭陽微山各

湖積水本多水勢甚旺足以敵黃黃水由湖西邊即已

南注並未入湖故湖水仍清不致淤墊湖身又前明舊

運河尾直至江南始與中運河相會故黃水在東境並

未入運河間有漫沒乃係清水擠逼過高所致等語若

果如所奏實堪欣慰但閱從前所進青龍岡漫口下注圖內竟係黃水與湖水連為一片恐不能無淤墊阻礙之處再今歲情形是否與上年相似朕心深為厯念著傳諭阿桂到工時細心體訪將各該處實在情形迅速由驛覆奏並繪圖貼說呈覽

十九日

諭曰朕聞蘭州紀略阿桂海蘭察勞績甚著從前漏稅案內阿桂應罰公俸十年海蘭察應罰侯俸四年俱著加恩寬免

二十四日

公偕李奉翰富勒渾奏言竊照豫省南岸新工節次欽奉

諭旨

訓誨諄詳令臣阿桂到工後與臣李奉翰臣韓鏞臣富勒渾等通盤籌畫妥為辦理臣阿桂於本月十七日抵工遵

旨公同商議查儀封漫口上煩

宵旰焦勞幾及一載臣等無不思竭力區畫俾鉅工早蒞早慰

聖懷惟是現在隄河並舉自五月開工後即值天氣炎暑

大雨時行人夫未能立時雲集是以原擬先築高一丈之隄工六十餘段現止築高三四五六尺不等原擬先挖寬十丈之引渠二百餘段七月盡八月初始行完竣而山東省原認承挑之三千六百八十六丈雖已動工又經停止則全無分數可計雖目下天氣涼爽農事將畢民夫已漸全集但距霜降不過兩月若於此兩月中勒限全完誠恐不肖人夫聞工程緊急遂爾居奇效尤致長刁風而現定夫價比例價已多兩倍亦無再行加給之理且_臣等原期於八月內九月初完工亦爲乘水勢

盛時放河易於掣溜之計本年豫省黃河伏汛止長水兩次俱不過三四尺因無續長之水旋經消落_臣阿桂到工察看水勢僅與五月初相仿現在秋汛已逾半月並未長水十五六兩日陰雨綿密雲氣廣潤如上游一帶一律會遍河水自當續見增長但此時工程尚早計連日陰雨所長之水到豫時斷不及放河待趕辦完竣又值霜降維時秋令已過水勢仍復平落不能開放是徒滋勞費無益於事在

皇上厯念要工固不惜多用帑金亦不應虛費於不當費

附文成公年譜卷二十六
之時况期限過促工程難免草率臣等再四籌酌
總不能出

聖明指示之外自當遵照

諭旨從容辦理則工作既可如式而雇募人夫亦不至於
張皇急遽至開放引河冬月水斂之際斷不可輕
易從事而凌汛則係上游冰凍擁擠所蓄之水偶
爾衝開隨長隨落不能久存於放河亦屬未宜誠
如

聖諭不如桃汛之勢較和平水又有力臣等現飭在工各
員於天寒冰凍以前如估將引河挑挖寬深隄工

夯築堅實俟明春桃汛漲發時酌量開放惟是此
次放河期於必成不能不過爲籌慮臣阿桂兩次
在工三歷桃汛長水均在二三尺以內亦不過一
兩日卽行消盡維時若卽開放恐尚未能掣動大
溜雖從前桃汛聞有長水旺盛之時然亦數年中
所僅見難以倚恃查曲家樓漫口關係運道自上
年廣籌分洩本年重運糧艘幸不致遲悞現又開
放潘家屯顧家莊張家莊三處引渠下游宣洩更
暢且清日得資托無虞淺阻明歲重運自益可適
行至淹浸民田若桃汛時猶未涸出卽晚禾亦不

及趕種伏讀

上諭開放引河必當借水長之時刷河奔壑方爲有力仰見

聖明於河務機宜無不燭照靡遺臣等愚見惟將隄築辦

竣以河待水明年桃汛屆期水勢旺盛卽行相機
啟放設桃汛水勢開放尚未能十分穩妥寧可再
待伏汛緣今年伏汛水勢枯弱乃向來罕有之事
明年伏汛未必仍如今年倘屆伏汛長水又不甚
旺卽至秋汛開放亦斷無不成之理總之工程鉅
要臣等惟有恪遵

訓示籌畫萬全務期一舉集事斷不敢輕易嘗試臣阿桂
抵工日卽與河臣韓鑠再四講求意見亦屬相同
並遍詢在工曉悉河務各員弁僉稱應如此辦理
恭候

睿裁奏入報

聞

八月初六日

公偕李奉翰富勒渾奏言伏查辦工首在雇夫五
月中旬以後人夫未能立時齊集者皆由暑雨農
忙目下天氣晴爽農事將畢統計隄渠兩工人夫

已不下二十餘萬其中直隸山東以及江南沛縣一帶赴工趁時貧民攜眷搭棚在工居住者甚多伊等餬口有資自不肯捨而他去本年豫省秋收豐稔各處居民或須回鄉刈穫然至播種秋麥後亦必源源而來尤可無虞缺乏之現距十月尚有三月按日計工嚴寒沍凍以前實可一律從容完竣不至有急遽草率之弊且_臣等前定章程時估築大隄二萬七千三百餘丈計高二丈頂寬五丈底寬十七丈誠恐新隄卑薄不足以抵禦黃水茲復詳加履勘該處地勢本屬南仰北低啟放引河又

已展至明年桃汛土功歷時漸久自必益增鞏固是以公同等酌所有應築隄工不必仍依前估尚可減高六尺再於六尺以下隄頂減寬一丈隄底減寬一丈七尺二共減土一百六十三萬四千餘方並飭承辦各州縣將原擬先築一丈高之隄工辦竣卽回本任料理地方事件其加高四尺作爲春工俟明正燈節後到工接辦桃汛以前儘可從容辦竣隄工暫停則引河人夫愈多尤不難於剋期集事至引河河底原定挑深五尺較此時大河水面低六尺餘寸若至汛水旺盛時大河水面再

高四五尺比引河底高至丈餘原可以因勢利導
惟是此次放河總期於水大掣溜一舉成事汛盛
之際大河水面固較現在更高而底水總屬無異
以現在水勢而論河流並未加長其中泓一帶逐
細測量水深自八九尺至一丈不等計放河之時
現在水深一丈之處掣入新河六尺餘寸尚存水
三尺餘寸未能同時並掣力量既分南趨恐不能
十分得力臣等再四思維現定期限既寬且相度
上下地形引河再普行加深二尺尤有就下之勢
如此則較大河水面低至八尺餘寸將來放河時
雖此時水深一丈不過存底水尺餘新河一瀉奔
騰餘溜即可期全掣於機宜有裨而成功較有把
握其引河應添土方即以隄工所減土方劃抵亦
毋須另爲加增奏入

諭曰諸凡甚妥勉爲之

公又奏言竊照豫省改辦南岸新工綿亘一百數
十里隄河並舉估需土方共有一千二百四十餘
萬河臣韓鏞等因上年青龍岡挑挖引河時土方
共一百二十餘萬東省幫辦二十八萬約計五分
之一此次工程浩大酌議東省幫辦十分之一於

考城商邱界內挑土一百餘萬方經山東撫臣明興

奏明將曹縣境內工程先行儘力趕辦再以次溯挑是以考城商邱境內引河三千六百餘丈已動工者尚無分數可計未動者尚有九十餘萬方伏思辦理公事隣省協濟原應各隨其力量非可援以爲例但豫東河務統歸河臣一人管理而地方則係兩省撫臣分轄遇有工作力役之事卽不能協助亦應於所屬境內各辦各工今東省旣專辦曹縣境內工程止歸還豫省代辦尾段土方五萬而

河尾土方二十餘萬亦在東省境內係豫省先爲

代挑東省若不歸還亦未爲平允臣抵工後面諭

堯沂曹道張永貴於緊接商邱頭堡工程內除歸

還豫省代辦隄工土五萬方外再歸還河尾土方

二十餘萬其餘概令豫省承挑所有東省請俟夫

役漸增以次溯挑之處均可不必如此方得其平

且統計東省認挑土方不過三十餘萬辦理甚屬

從容旣得以同時告竣卽動用錢糧兩省各自銷

算亦較直捷已知會山東撫臣一體飭遵照辦奏

入

諭曰阿桂奏東省專辦曹縣境內工程其河尾土方二十餘萬亦在東省境內係豫省先爲代挑東省若不歸還亦未爲平允等語此項應挑土方前據明興奏稱自商邱頭堡起至七堡止計該土方七萬七千有零又商邱第十堡南岸隄工該土方五萬有零均應東省承辦等語是東省現有應辦要工未知豫省現在所挑分數究有若干再東省現在是否尚有餘力可以幫助豫省之處必須熟商妥酌無分畛域方與要工有濟著傳諭富勒渾明興會同商酌辦理不得稍存推諉以副朕厯念河防至意

公又奏言伏查東省各湖居豫省曲家樓漫口下游黃河之水原盡歸於東省各湖以致濟南迤南至韓莊一帶湖與運河連爲一片緯道盡被淹沒上年七月間漫水下注之初其勢洶猛適值東省湖河並漲水勢極盛不能直灌湖心猶串湖邊行走是以南陽昭陽等湖先係兩清夾黃迨後湖水愈加逼高力足敵黃黃水爲清水頂阻遂全向湖西而南而湖身湖東俱係清水且漫口距各湖中間尚有一三百餘里地勢平行黃流蕩漾水緩沙停未至各湖業已澄清不至墊及湖身故魚臺迤西水

色微黃魚臺迤東水色皆清卽如金鄉城外黃水必經之路上年冬間水勢直逼城根甚屬危險今則該縣城外地形漸高黃水折而遠去此卽沿路澄淤之明驗至湖西由玉皇廟穀亭以至江南茶城地方雖有舊運河一道年久淤墊不過微露窪形若從茲南注者果係黃流則不應至沛縣境內者仍全係清水臣自上年抵豫後遇有東省人至每畱心詢問此次到工復悉心體訪並屢劄道員沈啟震令其詳細查覆據該道稟稱現在魚臺以東實係清水各湖河亦並未稍有淤高之處前閱

山東撫臣明興所

進圖內於魚臺至沛縣一帶仍繪黃水想該撫或因漫水由湖西南注遂謂黃流自行一路未能聲敘詳晰續奉

諭旨令督臣薩載等會同該撫據實會奏毋稍存迴護之見該督撫自必查勘明確另行切實具

奏至本年東省湖河水勢伏秋汛節次所長不過四尺與上年情形相仿近又開放潘家屯張家莊蘇家山水線河顧家莊各處引渠下游分洩之路既多自必較上年易於減落奏入

諭曰據阿桂覆奏河湖水勢情形一摺內稱南陽昭陽等湖因水勢逼高力足敵黃黃水爲清水頂阻遂全向湖西而南地勢平行黃流蕩漾水緩沙停不至墊及湖身故魚臺迤西水色微黃迤東水色皆清等語此等處正未明晰昨已傳諭詢問薩載李奉翰以青龍岡至金鄉不過三四百里水色已澄盡而清是東省三湖不致受淤不必更論其自清黃交滙處所下至雲梯關里數比青龍岡至金鄉較遠何以仍係黃河入海豈清黃交滙以下亦竟屬清水乎抑仍屬黃水乎且卽云黃水至金鄉蕩漾停緩水色澄清試思清黃交滙以下淮水力量

甚大尚爲黃水挾之入海不能蕩漾澄清豈金鄉以上轉因湖水逼高之故竟能頂阻黃流使之蕩漾澄清耶其理總難明晰又試以永定渾河而論渾河水色亦黃自會合鳳河以後爲清水所衝下至淀河卽係清色此因渾河與鳳河源流俱不甚大是以澄清尚易若黃水則源遠流長何以在山東卽能蕩漾澄清入淮河反不能蕩漾澄清洪澤湖之水反不及微山湖水力耶從前明興所奏繪圖錯誤伊係初至東省於該處河道水勢未能明晰遂謂黃流自舊運河南下今已據另行具圖會奏明晰此不足再講至清水交滙至雲梯關水色如

何之處除昨已傳旨詢問薩載李奉翰外著再傳諭阿桂就近詢之李奉翰將實在情形詳晰確查具奏朕於諸務心思所到必欲詳明其事不爲不求甚解阿桂當仰體朕意也

十二日

公偕李奉翰富勒渾奏言臣等籌辦豫省南岸新工導河由蘭陽汛進舊隄入引渠下達從商邱汛出舊隄歸入正河此事一成所有儀考受病地方概可避去至江南清口迤東歸海之路連歲清水下注久已衝刷深通徐州以下近又開放潘家屯

張家莊各引渠流行暢順亦可藉資清水刷沙之力惟河南商虞以東江南徐州以西河身間有淤

高處所

臣

李奉翰前回江省時業經沿途查看逐

段勘估茲

臣

等復公同等酌現距桃汛尚早自當

乘大河見底之際務一律疏浚深通俾黃水歸入故道得以流行迅暢順軌安瀾因派委開歸道席萇淮徐遊擊韓勝帶同熟諳員弁至商邱七堡渠尾以下河身內挨次詳細測量據該道將等稟稱現在商虞曹單一帶大河俱存清水深三四五尺不等其淤高之處間段露出灘面須加抽挑又有

數處土性膠結河形兜灣應行開寬取順共估工五十段土二十萬零六百八十五方_臣等查此次改辦工程關係甚大既於要工有裨則增添土方二十餘萬亦屬無多自應一并辦理其在商虞境內者即令商邱虞城二縣承挑開歸道席萇兼管在曹單境內者即令曹單二縣承挑派兗沂曹道張永貴兼管均於天寒冰凍以前挑挖完竣_臣等另委誠實可信之員前往如估驗收至江南徐州以西銅山蕭碭大河_臣阿桂又經札知新任河臣何裕城囑其來豫之時順道再行復勘如有應加挑挖者一面就近知會督臣薩載派員照辦如此通盤籌畫庶將來啟放引河時不特新河可一瀉奔騰即大河亦可一律暢順奏入報

聞

十八日

公奏言_臣遵

旨查明清黃交匯情形詢之河臣李奉翰據稱清口以下清黃交匯處所其初南係淮水色清北係黃水色黃並行東下判如劃界然不一二里則清水中漸見黃水迨至楊家莊一帶則水色純黃不復更見

清水自此以至雲梯關直達海口皆一律全黃緣黃水從豫省下達江南經行日久大河中泓皆有河槽河身以外皆有厓岸厓岸之外南北又有大隄逼束河流湍急在前之水奔騰趨瀉尚未及歸海而續來之水已隨後催擁不能停滯直至入海無不挾沙而行今曲家樓漫口至金鄉魚臺三數百里間地盡平行漫水所經並無河槽其水面寬處有至數十里者任其紆迴蕩漾力緩沙停是以未至各湖業已澄清卽如四十三年儀封十六堡南岸漫口黃水由永城睢州亳州一帶沿路畱淤入湯河時水已粉漿色及至入淮入洪澤湖時已全係清水是以流行二年湖身不至墊高此卽水緩沙停之明驗等語臣查該督所稱清黃交滙以下情形與臣於四十五年春間奉命同薩載由清口乘舟順黃流出雲梯關查看海口時所見情形相同其所論曲家樓漫水沿途澄淤之故亦似近理奏入報

聞

二十五日

公偕李奉翰何裕城富勒渾奏言伏查豫省南岸

新工堤渠兩項共估需土方一千二百四十餘萬
議定章程時前任河臣韓鏐同臣富勒渾以工段
綿長期限緊迫不能不借資於隣省又因堤工例
應保固河尾尤關緊要豫省連年辦工較熟故商
邱十堡隄工土五萬方河尾土二十餘萬方雖在
東省境內亦由豫省代辦其考城二十一堡以下
應挑引河土一百餘萬方請令東省代挑原欲東
省幫辦土方六十餘萬以期鉅工速竣嗣據山東
撫臣明興請先挑本省曹縣境內引河土方七萬
七千有零並歸還堤工土方五萬方餘原議幫挑

之土方俟有餘力再以次溯挑於六月三十日具

奏

臣

阿桂七月十七日抵工見該段尚未開工雖蒙

皇上恩予展限辦理已屬從容但原擬先挑之十丈引渠
必須及早興挑庶以水爲平形勢可期條順若待
東省挨次溯挑則考城二十一堡以下工段須至
十月內方能開工又值嚴寒冰凍且撫臣明興雖
有遞溯協挑之請其力能協挑土方數目若干亦
未據議定知會臣阿桂因爲籌酌卽將豫省代辦
東省境內之河尾土二十餘萬令東省於緊接商
邱頭堡以上考城境內工程溯挑歸還其餘土六

十餘萬方現定期限已寬一併令豫省承挑以期一律蕪工此臣阿桂就到工時情形代爲酌辦豫東兩省撫臣亦當卽照辦並無異議而按日計工俱可不至遲悞奏入報

聞

二十八日

諭曰豫省添築南隄開挖引河各工久經議定章程分派段落委員承辦並經降旨展至明年桃汛開放引河此次阿桂前往督催在事人員上緊辦理節經具奏工程俱可於冬間一律完竣俟桃汛再行開放是章程大段

已定現在不過夯築隄工挑挖土方富勒渾在彼諸事皆已諳習儘能督率辦理况有李奉翰在彼幫辦自可料理裕如其餘並無緊要事件必須阿桂駐工籌酌者現在東省運河德州濟寧俱有應行查勘挑挖之處且濟寧以南爲黃河下游經漫水漲溢一帶專藉潘家屯六塘河等處分洩明春開放引河時必須積水暢消迅速歸海民田盡行涸出方爲盡善何裕城係新任總河於東省運道是其專責阿桂此時正應率同何裕城由南河查勘新開引河隄工順道前往東省將運河一帶隄閘土石各工及橋梁緯道逐段履勘所有應行酌籌

辦理及啟閉宣洩機宜通盤籌畫悉心妥議並告知明
興卽行遵照妥辦何裕城陞任後本應陞見阿桂卽同
該總河來京詳細面陳一切阿桂亦可畱住數日再往
工次較之具摺陳奏更爲詳盡計四十九年卽屆南巡
之期所有東省河湖水道自應預籌妥協如庚子南巡
經臨時水程穩便行所無事阿桂係曉事之人定能仰
體朕意一切經理得宜並將何日起程前往東省之處
迅速覆奏以慰厯念

九月初八日

諭曰陳輝祖查抄王亶望貲財一案據盛住奏查出王站

住底冊不符抽換顯然因欽差侍郎福長安喀寧阿前
往河南工次以查工爲名就近詢問王站住卽解任押
帶赴浙質審但福長安等辦理此等事件究不能如阿
桂之歷練前曾降旨令阿桂前赴山東查看河湖水勢
情形此時如尚未起程卽於工次等候如已起程行走
諒亦不遠可速回河南工次一面扎諭王站住令其前
赴工所不可稍露端倪俟王站住到工阿桂卽可先將
此旨傳諭令其將如何抽換緣由逐一供吐倘稍有端
倪卽可傳旨將伊解任俟福長安喀寧阿到工卽交伊
等帶赴浙省歸案辦理後阿桂再往山東一帶查看河

湖情形來京覆奏亦不爲遲也

初十日

公偕李奉翰何裕城富勒渾奏言臣等欽奉

上諭豫省添築南隄開挑引河各工久經議定章程分派段落委員承辦阿桂卽可同總河何裕城來京詳悉面陳一切查豫省開放引渠須待明春桃汛東省洩水利漕各事宜自當預爲籌辦卽江省本年因安徽六安等處山水驟發淮湖盛漲並臨運緯隄汕刷殘缺亦應及早興脩今奉

諭旨令

臣阿桂

臣

何裕城前往東省運河逐段履勘通盤

籌畫告知撫臣明興安辦臣阿桂本應卽遵

旨前往惟是東省居曲家樓漫口下游積水速消總在堵塞決口而決口之堵塞又在啟放引水時掣動大溜查豫省估築新隄共六十三段除加高四尺作爲春工補築外其原擬先行築高一丈隄工已完者五十七段未完者六段是隄工九月二十前已可完竣至引渠長二萬五千餘丈原估土共六百二十四萬三千六百餘方已挑土三百十四萬二千餘方未挑土三百十萬一千五百餘方通勻牽算已有十分之五但其中開工遲早不同故分數亦多寡

阿文成公年譜卷二十一
不一如考城二十堡以上各段引渠業開寬至一二三十丈不等且有已經完工者考城二十一堡以下引渠則係臣阿桂抵工後酌定興工所有原擬先挑之十丈子溝尚未挑竣此次引渠工段綿長惟恃以水爲平形勢方能條順挑挖均可合宜將來啟放時水勢始能一瀉奔騰暢達無阻是此事爲救河緊要關鍵必須測量至准以成建瓴之勢現當工程要緊之際承挑引渠各官共二百數十員用人旣多實不能逐加選擇其間如佐雜試用効力以及千把微末員弁俱有錢糧經手臣阿桂受

恩深重且奉

命來工督辦彈壓查催較爲得力是以公同商酌臣阿桂

臣李奉翰臣富勒渾現在工次臣何裕城儘可於

初八日起身先往東省率同道員沈啟震將運河各工詳加查看臣阿桂俟十丈子溝全完掣放水平旣准原估各工亦漸次挑竣卽奏

聞啟程前往會同覆勘目下東省湖河水勢已漸消動本年所開潘家屯張家莊水線河顧家莊各引渠宣洩甚暢此後自必日消臣阿桂於九月底十月初到東運河隄岸當已有漸次露出者勘估旣易卽

尚未露出者水勢平落亦可以探量仰賴
天神默佑

聖主福庇明年桃汛豫省放河一舉集事來源旣截則東
省漫水亦無難設法速爲疏消一切工程均可次第
興舉不至遲悞俟章程議定遵

旨交撫臣明興照辦臣阿桂臣何裕城卽進京將一切情

形面

奏恭請

睿訓指示益得有所遵循至豫省引渠業經掣放水平其
續添土方不過照估挑挖

公又奏言此次臣往東省所有運河隄岸土石各
工自當挨次詳細查勘其未經露出之處現被水
淹浸恐水底測量究不能甚准當逐段簽試插立
標記先爲料估與撫臣明興商酌年內備辦料石
採購橋木明歲豫省決口一經堵合卽令興脩臣
俟開放引河大溜全勢酌量可以分身時仍卽往
東省與撫臣明興等覆加詳勘目下濟寧以南至
韓莊一帶湖河一片將來應辦工段綿長其如何
分派脩理及設法查催之處亦可悉心籌畫期於
經理得宜仰賴

聖主洪福明春桃汛豫河一舉成功所有運河各工次第

興舉核計四十九年以前必可一律完竣概復舊

規臣叨荷

渥恩况恭逢

聖駕臨莅凡有應行籌辦之處自當仰體

慈懷預籌妥協務期水站經由行所無事均奏入

諭曰據阿桂奏令何裕城先往東省查看運河各工阿桂
俟十丈子溝全完掣放水平既准挑工完竣再行起程
所辦甚好此時正有另行交辦之事即當詳辦其東省
河湖事務有何裕城先往儘足料理

又

諭曰據阿桂奏訊據王站住所供自屬實情竟係陳輝祖
營私舞弊抽換抵兌實出情理之外此事甚大非阿桂
前去審辦不可現在豫省河工已辦有章程將次完竣
並無必須阿桂在彼經理事件即著同福長安迅速馳
驛前往浙江徹底查辦至陳輝祖曾經阿桂稱其能事
用爲閩浙總督兼管撫篆今阿桂查訊此案即首疑及
陳輝祖並不稍存迴護大臣居心理宜如此今往浙查
辦自當秉公持正訊得確情也至現在辦理勾到刑部
堂官需人喀寧阿於何處接奉此旨即著回京不必前

往浙省福長安接旨後卽於該處等候阿桂同往再閱王站住所供尚非虛捏阿桂等卽將伊帶往質對若所供屬實伊竟無罪可無庸查辦

二十四日

諭曰據阿桂等奏福長安於二十一日先行起程赴浙阿桂俟掣放水平後再行起程前往會辦等因一摺福長安辦理案件究未能歷練恐其過於見長或至有意推求株連者衆殊非朕查辦之意陳輝祖案內承辦經手各員及有名人証自應逐一細心研訊至若舖戶商民本屬無知未便濫行波及陳輝祖雖行同穿窬昧良無

恥但究係大員只須嚴加駁詰令其據實供吐况此案業已全行敗露亦不能更爲狡飾不必遽用刑威倘或狡供不吐將來伊不畏朕之廷訊乎福長安到彼時如案內有疑難重大關係緊要以及定案各款仍俟阿桂到浙後再行商辦會奏

二十七日

諭曰據阿桂奏東省宣洩積水機宜畱心採訪運河迤西藺家山而外惟伊家河可以分洩輿論皆以爲應挑但該河自二十二年辦理後歷時旣久且從前開挑時緣山根砂礪未能如式此時必須大加挑深方足資其利

益現在雖有何裕城在東省勘辦一切但伊甫任總河恐未能熟諳因袁守侗辦事結實請令其先行會勘俟阿桂到東再與覆勘等語所奏是勘辦河工多一人心思智慮更爲周密自於公事有裨著傳諭袁守侗卽由原籍前往該處會同何裕城詳細履勘將應挑段落約估土方先行酌議章程俟阿桂於浙省審辦事竣回東時再行會同覆勘籌定興工交與總河巡撫等辦理

十月十二日

諭曰據阿桂等奏先後抵浙將陳輝祖查抄王亶望貲財抽換抵兌一案查審大概情形先行奏聞一摺內稱易

金銀兩係仁錢兩縣分作五次於上年十二月以前國棟任內交納齊全是以銀易金一事尚無虛列抽抵等語已於摺內批示陳輝祖如果無侵蝕金兩之事則是聽王亶望之請托爲之營私舞弊所關甚大王亶望玩法肆貪身犯重罪革職查抄陳輝祖尚敢受其囑托推此又將何事不可爲乎必係陳輝祖希圖侵蝕將金兩入已聞有交盛佳密行訪查之信始行陸續吐出况係交仁錢兩縣承辦之事何弊不可爲卽有庫收安知無倒提年月等事阿桂等一到何遂信以爲真此一節係此案最要關鍵應嚴訊陳輝祖並經手之仁錢兩縣令

其據實供吐

二十四日

公奏言臣接十月初十日奉

上諭據李奉翰等奏子溝挑竣掣放水平形勢通順一摺
內稱子溝積有清水自商邱河尾至蘭陽河頭逐段開
放清水較准水平極爲條暢實有建瓴就下之勢明春
桃汛放河可期一舉集事等語所奏情形尚不明晰如
所稱子溝內積有清水此必係舊河所積之水抑別有
來源現在逐段開放是否歸入舊黃河正身暢達下注
摺內均未聲明著傳諭李奉翰等逐一查明詳悉具奏

至該處工程據李奉翰等稱此時尚有展寬加深應挑
土方甚多並有需俟明歲放河以前再行挑挖之處可
見此項工程斷非可匆遽集事從前李奉翰等請令隣
省助夫之說實爲無益徒滋煩擾卽阿桂亦有霜降前
後可以趕緊完工之語朕洞鑒工次情形降旨展至桃
汛並飭令直隸等省停止助夫免其滋擾以現在李奉
翰等所奏而論則從前節次所降諭旨朕早已見及此
彼時卽不停止隣省助夫亦斷不能於白露前剋期歲
工可見伊等前次所辦徒涉張皇而於要工仍屬無裨
也並著李奉翰等據實明白覆奏並諭阿桂知之臣查

李奉翰等摺內所稱子溝積有清水緣新定引渠共長一百數十里委員等分頭挑挖共分爲二百數十段其間均有土格攔截挑挖既深卽有水從地出又加以伏秋大雨是以每段積有清水此水非別有來源俟大河挑溝各工完竣將土格一律刨開卽由渠尾普行放入商邱以下大河引渠概可騰空明春桃汛開放時自當有一瀉奔騰之勢至豫省工程議定章程時所以緊其期限者原恐在工人衆心存懈緩且早一日開工亦早得一日之益嗣據李奉翰韓鏐富勒渾以僱夫不敷欲令

隣省協助荷蒙

垂詢

臣

卽奏請停止然尚冀於霜降前後趕緊辦完迨七

月十七日馳抵工次通盤籌畫始不敢拘泥前奏

遵照

聖訓展限辦理又因期限既寬續行加深二尺以期開放時大溜全掣此時未完應挑之工卽續估加深二尺之土方明歲放河前再挑之工乃引渠頭緊接大河之處不便先行開挖之工也此等工次情形

臣

身親目覩臨期再四籌酌方能漸次見及者

皇上先幾洞察於甫經籌辦之始而事之輕重遲速數千

里外已無不燭照靡遺跪讀

訓示實不勝欽服奏入報

聞

十一月初四日

諭曰據明興奏東省承挑引河七十餘萬土方已於十月二十五日一律挑挖齊全等語東省當黃水下游必須與豫省挑工一律寬深俾明春開放時大溜全行掣動順軌暢行方為妥善著阿桂於回京時查勘東省運河伊家河之便即順道履勘承挑七十餘萬土方是否全行齊備一律寬深詳悉覆查具奏

初五日

諭曰據李奉翰等奏豫省南岸隄河工程全行完竣一摺並繪具圖說進呈覽奏欣慰已於摺內批示矣閱圖內新開引河尾至商邱七堡直接舊河正身處有舊隄一道形勢頗窄水勢到此恐不能暢注因用硃筆標記此處須細心酌量或因引河太長到此欲其收束得勢以期歸入正河暢注直達自可毋庸拆動展寬若測量引河至此下注之勢稍覺阻礙則應於硃筆標記處所將舊南隄拆去數十丈俾河尾展寬庶明春放河時更為暢注有力著將原圖發交阿桂等閱看並傳諭阿桂等

察勘該處情形是否應行如此辦理之處詳悉覆奏

初十日

公偕福長安奏言革職陳輝祖於上年查抄王直望貲財時與屬員通同作弊抽換隱匿入官物件現據陳輝祖俱供認不諱應請

旨正法奏入

命大學士九卿議奏又

諭曰據阿桂等奏審明陳輝祖於查抄王直望家財私行抵換抽匿分別定擬一摺已批交大學士九卿議奏矣此案大段已明惟添換朝珠一節阿桂等第就陳輝祖

一面之詞具奏尚未得其切實供吐俟陳輝祖解到時再行嚴切究訊

二十二日

諭曰豫省現在挑挖引河俟明春桃汛時卽行開放但黃河南岸隄內前經阿桂等勘定應行挑挖之處自不能不占用民田從前阿桂等籌議時如何酌量兌換之處未經奏聞是否按地給價抑或另將官地丈量換給俾小民不致失業因思南岸隄內旣開挑引河明歲合龍竣事後其北岸河身必有涸出空地可以墾種以彼易此小民自必樂從且地畝錢糧亦均有著落李世傑身

任河南巡撫一切民田廬舍設法安頓調劑是其專責若一任小民自行占踞則豪強者得以多占而懦弱無力貧民竟至無田可畊且不肖官吏人役得以藉此侵漁滋弊殊非安集均平整飭清釐之道總以南失地頃數與北給地頃數為準此事著交李世傑悉心妥協經理並著阿桂督同妥辦以副朕軫念民生之意

二十六日

公奏言

臣前奉

諭旨令於回京順道之便查勘江南鹽河等處宣洩機宜及山東伊家河運河各工本月十五日行抵清江

所有江南境內除六塘河宣洩甚暢不必再展外其鹽河運河劉老澗各處應行展寬開挖之處業經督臣薩載詳細勘辦臣復與之面加講求並由清江乘船前至宿遷將鹽河劉老澗駱馬湖尾閘等處順道逐一查勘連日經由中運河內水勢湍急異常雖多夫挽曳日行不過四五十里察看兩岸水痕實已消落丈許與薩載前奏情形相符將來開放劉老澗各處時則江境運河之水尤可下達暢注無阻是薩載籌辦宣洩機宜均為妥協臣抵宿遷後緣阜河而上韓莊八閘等處水勢尚屬

浩瀚一遇頂風卽須守候因起旱由邳宿一帶沿河查勘直至徐州凡江境運河兩岸汕刷決口大小不等共六十餘處亦經薩載飭委估辦先築土埧高出水二尺以通緯道明春再行興修皆可不至遲悞臣復自徐州至山東伊家河將袁守侗何裕城勘辦工程再四覆勘其奏請挑挖該河中段自善莊橋起至楊家樓止共長七千二百四十丈深以八尺爲度寬以六尺爲率未免過於淺窄但該處皆係山根礮石又限於時日難以再加寬深祇可如袁守侗等所估辦理雖湖水宣洩不能大

資其益然究多一路分消亦未爲無補此時業已開工而人夫不多所挑土方尚無分數可計容俟晤見何裕城明興時當囑其上緊飭催切實查收無使少有偷減臣於查勘伊家河之便卽從韓莊察勘微湖東南水勢暨運河情形約計微湖之水自七月到今四月之內已漸次消水四尺餘寸明春豫工告成來源旣截現復設法暢消則運河各工尚不難於涸出並經諭令打量水誌之南河備弁等卽由韓莊溯流而上將隄岸逐節簽試記明段落丈尺在濟寧等候臣現奉

諭旨令赴豫省驗收引河各工并察勘引河尾形勢遂於二十一日仍回徐州取道前往河南工次悉心履勘再從豫省赴山東濟寧察看湖河西北水勢暨運河情形如有應行商辦事宜與袁守侗何裕城明興公同熟商另行具

奏奏入

諭曰據阿桂奏查勘山東伊家河工摺內稱該河中段自善莊橋起至楊家樓止共長七千二百四十丈此時業已開工而人夫不多所挑土方尚無分數可計等語伊家河關係湖水分洩去路現已動工挑挖應照袁守侗等原奏估辦分數速行齊集人夫上緊趕辦務期一律寬深不得稍有延緩著明興卽飭令承辦各員多集人夫上緊督催勿致稍有偷減

十二月初三日

公偕李世傑奏言伏查豫省黃河南岸內挑挖引河建築隄工估用民田臣阿桂前議定章程時請將舊河身灘地撥給更換其情愿於新隄外居住卽照河灘減則奏蒙

聖鑒在案嗣經臣富勒渾飭委查明凡隄壓河佔之處不能收當卽散給籽種其本年應徵錢糧暫請豁

免此外地畝河流尚未經行仍可畊種理應照舊
征輸且挑挖引渠以及堆土地方此時所佔寬不
過一百數十丈明春開放新河後河身更加塌寬
無從預定所佔之多少至隄內居民給予搬費雖
移至他處者已不乏人而一時亦未盡行遷徙驟
難清釐須待大功告成河崖塌定方能逐細丈量
按例減則查舊南隄距北隄河身寬二三十里不
等除大溜所經皆係浮沙其餘灘地大汛前向皆
播種豆麥仰食者甚衆况老灘地畝黃水不到久
成腴產因係隄外是以賦則向輕將來黃流改道

河頭既築壩攔截並築隄堰直接北隄以便易於
防守則隄外之地自當概行陞科以陞科地畝抵
補減則地畝核計亦不至絀其隄壓暨挑河堆土
現佔民田查舊河身內灘地概有戶口認畊初非
可任意侵佔惟灘地頃數較之民田丈尺不能甚
准此次清查後較前定有多出地畝可以劃給如
劃不敷亦可於陞科地畝贏餘銀兩內酌予價值
臣等復派委委員將新南隄外地畝共有若干舊
河身內灘地共有若干及何人現種若干之處先
行逐一清查明確一俟竣事李世傑卽妥爲辦理

不肖官吏自無從侵漁豪強亦不能多行佔據懦弱可不至無田可畊務期保護安全以仰副

皇上安集均平之至意奏入報

聞

公又奏言

臣

自江南徐州起程後於二十四日行

抵河南商邱所有七堡河尾舊南隄一道業經河

臣李奉翰等遵

旨於原估開寬一百二十丈之外再加展寬三十丈

臣詳

細察勘似此拆展增寬將來放河後全黃從茲下達伏秋大汛自更暢注有力仰見

聖明指示周備欽佩實深

臣

復自商邱七堡渠尾沿湖履

勘直至蘭陽十二堡渠頭新定引渠雖綿亘一百六十餘里而形勢實爲就下通順所有豫東兩省承挑之原估及續添土方除河頭外灘工段外共土七百四十餘萬方均經如估挑竣一律寬深並無草率偷減之弊惟原估河形因避村莊基址間有略爲兜灣之處臣覆加審度均應切嘴取直俾溜勢順注更可以一瀉奔騰再河頭河尾最關緊要所出土方雖原定堆積俱在三十丈以外共畱寬一百二十丈但河流奔騰衝激將來兩岸塌寬

尚恐不止此數厓上積土過高一時塌卸入河終無益於暢達之勢因思江省挑挖陶莊新河岸上所存積土蒙

皇上親臨閱視

賞給帑金令移填窪處經督臣薩載等等畫創挖攤平於河流不至有礙此次河頭河尾所出之土自應卽照此辦理概令攤勻至高不得過八尺庶河成後塌卸入河無虞稍有壅遏臣前過礪山地方晤見河臣李奉翰何裕城與之面商意見相合已告知撫臣李世傑督率管河道席萇朱岐次第辦理現

距放河時日甚寬所需工價無多儘可從容妥辦不畱絲毫遺憾至河頭外灘挑深二丈八尺土方共一百餘萬此時工少夫多倍加踴躍已出土五十餘萬方尚存土五十萬方均可按土計工按工計日普律完竣斷不至遲悞大河溜勢全走南厓緊坐河頭甚得吸川之勢臣再四相度私心尤深慶幸仰賴

聖主洪福明春桃汛開放時定當一舉集事再臣拜摺後卽起程由直省之長垣東明東省之曹州鉅野嘉祥一帶前赴濟寧與袁守侗等會商消洩積水等

事奏入報

聞

初七日

公偕袁守侗何裕城明興奏言臣阿桂於本月初

一日行抵山東濟寧臣袁守侗何裕城明興俱已

到濟會齊旋據派查水誌之江南備弁等將各該

湖水勢尺寸逐一詳細開報臣等覆加查核南陽

昭陽獨山等湖之水現深一丈二三尺不等較七

月盛漲時消水四尺六寸微山湖現深二丈一尺

四寸比盛漲時消水四尺二寸運河內所消之數

亦屬相同臣明興前奏近來消水尺許之處緣九

月以前消水二尺以外臣何裕城先經具奏是以

止奏及十月內所消之數未將前後消落尺寸一

併算入查微山湖自上年七月曲家樓決口後漫

水澄清由昭陽等湖匯注加長至十月初旬共長

水五尺九寸連底水共深二丈四尺七寸自十月

初九日消起至本年五月間半載有餘祇消水三

尺四寸本年微湖之水自伏秋汛增長至七月中

間極盛時共深二丈五尺六寸而現在測量祇深

水二丈一尺四寸是自七月至今僅有四月已消

水四尺二寸亦足徵多路分消之效刻下冬令水勢更弱若至明春尚可減去數尺一交桃汛豫工告成來源既截有消無長不過消至四尺有餘

臣

阿桂悉心體察查荆山橋伊家河八閘等三處俱為消洩湖水之路

臣

阿桂昨見荆山橋一百五十

餘孔孔過水甚為暢利八閘水勢亦屬湍急而兩岸各閘層層兜束且其水仍須歸入江南運河統以一道漕渠承受上游各水一時不能迅速下達因思運河迤北原屬無從分洩其西迤南之潘家屯張家莊水線河十字河顧家莊各工明歲河

復故道亟應堵閉是東省積水全賴運河往南宣洩必須於東岸多為設法籌辦現在劉老澗已開挖越河水勢可以暢達但該處距八閘尚有二百數十里究恐中間湖隄阻隔上游未免壅滯

臣阿

桂前察勘駱馬湖尾閘時畱心訪問駱馬隅頭等湖沿隄有王極二閘及竹篾乾車頭萬莊馬莊等閘六座常有堵閉每遇運河水弱時即提放閘板將湖水放入運河濟運伏思潘家屯十字河等處本係為引黃濟運之用茲因時制宜湖水轉由此減洩則王極等閘向以之濟運者亦可藉以消運

河盛漲之水雖目下駱馬湖水尚高於運河六寸然該湖尾閘引河五道現在業經興挑運河復大加疏濬將來開放後湖面騰空自必低於運河維時將臨湖六閘全行啟放並於該處沿隄一帶多開口門則運河之水即可減洩歸湖以爲暢消之路臣阿桂前過礪山時晤見河臣李奉翰已與之面爲論定並經札知督臣薩載囑其妥爲酌辦今復與臣袁守侗何裕城明興再四籌商舍此亦並無他法自應卽如此預籌辦理至濟寧以南水勢運河隄岸情形臣阿桂抵濟後又復公同詳加察看

湖河之水尚屬浩瀚其水勢相連之處隄岸猶不能分辨茲據運河道及江南備弁等查報兩岸段落丈尺詳加察核所有兩岸土石壩工共長五萬三千餘丈除大石碎石排椿等工通漫水中外其隄於九月中已涸出五千餘丈其餘三萬三千餘丈尚未涸出至運河各正閘自濟寧之在城至臺莊共二十三座現已涸出十座其餘十三座共橋壩單閘涵洞等工現在亦俱未出水今於水底探估究不能得其確實歲內祇可預辦木石料物等項業經奏明趕辦臣阿桂於來年桃汛豫省新

河既成來源斷絕之後即親赴運河同臣何裕城

明興再行察勘維時水勢已落可以逐細勘估雖

伏秋汛內尚有山坡各水同時漲發正可乘此汛

水尚大之時將採買已到之木石料物分運各工

並派定段落募集人夫將一切章程先為預辦一

俟秋令水退普律興工分投趕辦必可於四十九

年春令以前同時完竣概復舊制再查乾隆二十

一年間東省運河因江境孫家集漫水倒漾隄岸

被淹嗣於二十三年二月十一日將西岸河隄動

工興修至五月二十六日完竣二十三年九月十

七日將東岸河隄動工興修至二十四年二月二

十八日完竣彼時係陸續興修從容集事未免蕨

工稍遲此次擬多集人員同時並舉自可辦理速

竣即如豫省引渠綿亘一百六十餘里隄工一百

七十餘里多員趕辦數月之內即可挑築完竣將

來運河工程亦照此辦理自可不至稍有稽延又

運河兩岸官隄之外尚有民堰除已出水面之四

萬餘丈外現有一萬九千餘丈淹浸水中該工例

應民間自為修理第漫水之後居民尚未復業且

工段太長亦恐無力修築應俟臨期與官隄一體

酌辦以期一律完整事竣日照業食佃力之例分
年帶徵還款奏入

諭曰覽奏俱悉如議速行

是月回京

是年第五孫那彥福生子阿迪斯出



